

資治通鑑補

資治通鑑補卷第九

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀一

起元年盡二年項羽之分天下王諸將也王沛公於巴

甚美於是就國及滅項羽有天
下遂因始封國名而號曰漢

太祖高皇帝上之上

姓劉氏諱邦字季沛縣邑中陽里人張
晏曰諡法無高以帝功最高而為帝之

太祖故特起此名
焉在位十二年

乙未元年冬十月

古有三正子為天正周用之以十一月為歲首丑
為地正殷用之以十二月為歲首寅為人正夏用

之以十三月為歲首秦水德謂建亥之月水得位故以十月為歲
首高祖以十月至霸上因而不改至武帝太初元年定歷改用夏
正始以寅為歲首五星聚於東井通鑑因後魏書高允崔浩之言遂
刪去此條然此事不獨漢書有明

文又考齊客甘公之說張耳亦曰漢王入秦五星從歲星於東井則此事原昭著於漢人之耳目班史及齊客甘公或非無據而云然也故沛公至霸上秦王子嬰素車白馬繫頸以組封皇帝璽

符節降軹道旁

應劭曰子嬰不敢襲帝號但稱王耳素車白馬喪人之服組者天子載也繫頸言欲自殺也師古曰

此組謂殺也所以帶璽也今緩分條是也應劭曰璽信也古者尊卑其之左傳襄公在楚季武子使公冶問璽書追而與之秦漢尊者以爲信蓋下乃遵之漢官儀曰子嬰上始皇璽因服御之代代傳受號漢傳國璽沈約曰高祖入關得秦始皇璽田王璽螭虎紐文曰受天之命皇帝璽昌後代名傳國璽史記正義曰天子有六璽皇帝行璽皇帝之璽皇帝信璽天子行璽天子之璽天子信璽皇帝信璽凡事皆用之璽令施行天子信璽以遷拜封諸侯之璽以發兵皆以武都紫泥封虞喜志林曰傳國璽自在六璽之外天子凡七璽符說文曰信也韋昭曰符發兵符也師古曰符諸所合符以爲契清也周禮地官之屬有掌節節元註云節猶信也行者所執之信三禮義宗曰節長尺二寸秦漢以下改爲旌旄之形韋昭曰節者使所據也釋名云爲號令賞罰之節也師古曰節以毛爲之上下相重取象竹節將命者持之以爲信徐廣曰軹道在霸陵蘇林曰亭名也在長安東十三里漢宮殿疏曰軹道亭東去霸陵數四里霸東去霸水百步括地志軹道在雍諸將或言誅秦王州萬年縣東北十六里苑中○軹音組旌旄音州

沛公曰始懷王遣我固以能寬容且人已降殺之不祥乃以屬吏
屬付也屬吏者付之於吏使監守之也

賈誼論曰秦孝公據崤函之固

崤山在河南府永甯縣北六十里函谷在河南府新安縣東二

里擁雍州之地君臣固守初窺周室有席卷天下包舉宇內囊括

四海之意并吞八荒之心當是時也商君佐之內立法度務

耕織修守戰之備外連衡而闢諸侯於是秦人拱手而取西河

之外孝公既沒惠文武昭襄蒙故業因遺策南取漢中西舉巴

蜀東制膏腴之地北收要害之郡諸侯恐懼會盟而謀弱秦不

受珍器重寶肥饒之地以致天下之士合從締交相與爲一當

此之時齊有孟嘗

田名趙有平原勝楚有春申黃魏有信陵無此

四君者皆明智而忠信寬厚而愛人尊賢而重士約從離衡兼

韓魏燕趙宋衛中山之眾於是六國之士有甯越徐尚蘇秦杜
赫之屬爲之謀齊明周最陳軫召滑樓緩翟景蘇厲樂毅之徒

通其意吳起孫臏帶佗兒良王廖

呂氏春秋曰王廖
貴先兒良貴後

田忌廉頗

趙奢之倫制其兵嘗以十倍之地百萬之眾仰關而攻秦

秦地
高故

日秦人開關延敵九國之師逡巡而不敢進

九國謂六國
與宋衛中山

秦無

亡矢遺鏃之費而天下諸侯已困矣於是從散約解爭割地而

賂秦秦有餘力而制其弊追亡逐北伏尸百萬流血漂橈因利

乘便宰割天下分裂河山疆國請服弱國入朝施及孝文王莊

襄王享國日淺國家無事及至始皇奮六世之餘烈振長策而

御宇內吞二周而亡諸侯履至尊而制六合執敲朴

短曰敲
長曰朴以

鞭笞天下威振四海南取百粵之地以爲桂林象郡百粵之君

俛首繫頸委命下吏乃使蒙恬北築長城而守藩籬卻匈奴七

百餘里胡人不敢南下而牧馬士不敢彎弓而報怨於是廢先

王之道燔百家之言以愚黔首墜名城唐音殺豪俊收天下之

兵聚之咸陽銷鋒鏑鑄以爲金人十二以弱天下之民鏑音然

後踐華爲城因河爲池據億丈之城臨不測之谿以爲固良將

勁弩守要害之處信臣精卒陳利兵而誰何誰何者言誰能奈何我也天下

已定始皇之心自以爲關中之固金城千里子孫帝王萬世之

業也始皇既沒餘威震於殊俗然而陳涉甕牖繩樞之子氓隸

之人而遷徙之徒也以妻爲屬以繩繫戶樞材能不及中庸非有仲尼墨

翟之賢陶朱猗頓之富史記曰范蠡相越滅吳乘舟浮於江湖止於陶變姓名自謂陶朱公以爲開天

下之中諸侯四通貨物所交易也乃治產積居十九年之閒三

致千金孔叢子曰猗頓魯之窮士也耕則常飢桑則常寒聞朱

公富往而問衛馮朱公告之曰子欲速富當畜五牲乃適河東大畜牛羊於猗氏之南十年之間其息不可計以富興於猗氏故曰猗氏

猗氏

躡足行伍閒而偏起阡陌之中率疲散之卒將數百

之眾轉而攻秦斬木爲兵揭竿爲旗天下雲合而響應贏糧而

景從山東豪俊遂竝起而亡秦族矣且夫天下非小弱也雍州

之地崤函之固自若也陳涉之位不尊於齊楚燕趙韓魏宋衛

中山之君也鉏耰棘矜不鈇於鉤戟長鎚也

鉏耰

請戍之眾非

抗於九國之師也深謀遠慮行軍用兵之道非及曩時之士也

然而成敗異變功業相反試使山東之國與陳涉度長絜大比

權量力則不可同年而語矣然秦以區區之地致萬乘之權招

八州而朝同列

蘇林曰招舉也秦國周職方雍州之地耳既破六國乃舉豫竟青揚荆幽冀并八州有之六國

與秦俱稱王是爲

百有餘年然後以六合爲家

六合天地也殺函東西南北殺函

爲宮一夫作雉而七廟墮身死人手爲天下笑者何也仁諒不

施而攻守之勢異也。

音墮

班固贊曰周歷已移仁不代母

周以木德王漢以火德王木生火是周乃漢之母也今漢不剪

周如似漢之仁恩不忍代周者然故曰仁不代母

秦直其位呂政殘虐并兼天下兵無

所不加制作政令施於後王蓋得聖人之威始皇既沒胡亥極

愚驢山未畢復作阿房誅斯去疾任用趙高痛哉言乎人頭畜

鳴不威不伐惡不篤不虛亡子嬰度次得嗣冠玉冠佩華紱車

黃屋從百司謁七廟竟誅猾臣爲君討賊高死之後賓婚未得

盡和勞餐未及下咽酒未及濡脣楚猶已居關中真人翔霸上

素車嬰組奉其符璽以歸帝者鄭伯茅旌鸞刀嚴王退舍

公羊傳曰

楚莊王伐鄭鄭伯肉袒左執茅旌右執鸞刀以逆莊王莊王退舍七里漢諱莊故改莊爲嚴

河決不可復壅

魚爛不可復全賈誼司馬遷曰向使嬰有庸主之材僅得中佐山東雖亂秦之地可全而有宗廟之祀未當絕也秦之積衰天下土崩瓦解雖有周旦之材無所復陳其巧而以責一日之孤誤哉吾讀秦紀至於子嬰車裂趙高未嘗不健其決憐其志嬰死生之義備矣

沛公西入咸陽諸將皆爭走金帛財物之府分之蕭何獨先入收秦丞相府圖籍藏之以此沛公得具知天下阨塞戶口多少強弱之處沛公見秦宮室帷帳狗馬重寶婦女以千數意欲留居之樊噲諫曰沛公欲有天下邪將爲富家翁耶凡此奢麗之物皆秦所以亡也沛公何用焉願急還霸上無留宮中沛公不聽張良曰秦爲無道故沛公得至此夫爲天下除殘賊宜編素爲資

編素有張之服今

始入秦卽安其樂此所謂助桀爲虐且忠言逆耳利於行誨桀苦
口利於病願沛公聽樊噲言沛公乃還軍霸上十一月沛公悉召
諸縣父老豪傑謂曰父老苦秦苛法久矣誹謗者族耦語者棄市
吾與諸侯約先入關者王之吾常王關中與父老約法三章耳殺
人者死傷人及盜抵罪

李奇曰傷人有曲直盜賊有多少罪名不可預定凡言抵罪未知抵何罪也師古曰

抵當也

餘悉除去秦法諸吏民皆按堵如故

按次第也堵牆堵也言不遷動也

凡吾

所以來爲父老除害非有所侵暴無恐且吾所以還軍霸上待諸
侯至而定約束耳乃使人與秦吏行縣鄉邑告諭之秦民大喜爭
持牛羊酒食獻饗軍士沛公又讓不受曰倉粟多非乏不欲費民
民又益喜唯恐沛公不爲秦王 項羽既定河北率諸侯兵欲西
入關先是諸侯吏卒繇使屯戍過秦中者秦中吏卒遇之多無狀

蘇讀作備及章邯以秦軍降諸侯諸侯吏卒乘勝多奴虜使之輕折辱

秦吏卒秦吏卒多怨竊言曰章將軍等詐吾屬降諸侯今能入關

破秦大善卽不能諸侯虜吾屬而東秦又盡誅吾父母妻子奈何

諸將微聞其計以告項羽項羽召黥布蒲將軍計曰秦吏卒尙眾

其心不服至關不聽事必危不如擊殺之而獨與章邯長史欣都

尉翳入秦於是楚軍夜擊阬秦卒二十餘萬人新安城南班志縣屬宏農

郡歸古曰今穀州縣括地志新安故城在洛州通池縣東一十二里或說沛公曰秦富十倍天下

地形彊聞項羽號章邯爲雍王王關中今則來沛公恐不得有此

可急使兵守函谷關無內諸侯軍稍徵關中兵以自益距之沛公

然其計從之已而項羽至關關門閉聞沛公已定關中大怒使黥

布等攻破函谷關十二月項羽進至戲沛公左司馬曹無傷使人

言項羽曰沛公欲王關中令子嬰爲相珍寶盡有之欲以求封項

羽大怒戮士卒期旦日擊沛公軍當是時項羽兵四十萬號百萬

在新豐鴻門

新豐縣本秦驪邑高祖七年方置史以後來縣名費之孟康曰鴻門在新豐東十七里舊大道下阪口名

也姚察云在新豐古城東末至戲水道南有霸原南北洞門是也

水經註今新豐古城東有阪長二里餘塹原通道南北洞開有同

門水謂之鴻門孟康言在新豐東十七里無之蓋指縣治而言非

謂城也自新豐古城西至霸城五十里霸城西十里則霸水又西

二十里則長安城沛公兵十萬號二十萬在霸上范增說項羽曰沛公居

山東時貪財好色今入關財物無所取婦女無所幸此其志不在

小吾令人望其氣皆爲龍虎成五采此天子氣也周禮厭辰氏掌十輝之法以觀

妖祥辨吉凶卽後世所謂望氣者也晉天文志天子氣內赤外黃四方所發之處當有王者若天子欲有游往處其地亦先發此氣或如城門隱隱在氣霧中或氣象青衣人無手在日西或如龍急馬或雜色鬱鬱衝天者皆帝王之氣。眠音視殿有浸侵二音急

擊勿失楚左尹項伯者

楚官有左尹右尹

項羽季父也素善張良乃夜馳

之沛公軍私見張良具告以事欲呼與俱去曰毋俱死也張良曰臣爲韓王送沛公沛公今有急亡去不義不可不語良乃入具告沛公沛公大驚良曰料公士卒足以當項羽乎沛公默然曰固不如也且爲之奈何張良曰請往謂項伯言沛公之不敢叛也沛公曰君安與項伯有故張良曰秦時與臣游嘗殺人臣活之今事有急故幸來告良沛公曰孰與君少長張良曰長於臣沛公曰君爲我呼入吾得兄事之張良出固要項伯項伯卽入見沛公沛公奉卮酒爲壽約爲婚姻曰吾入關秋毫不敢有所近籍吏民封府庫而待將軍所以遣將守關者備他盜之出入與非常也日夜望將軍至豈敢反乎願伯具言臣之不敢倍德也項伯許諾謂沛公曰旦日不可不蚤自來謝沛公曰諾於是項伯復夜去至軍中具以

沛公言報項羽因言曰沛公不先破關中公豈敢入乎今人有大功而擊之不義也不如因善遇之項羽許諾沛公旦日從百餘騎來見項羽鴻門謝曰臣與將軍戮力而攻秦將軍戰河北臣戰河南不自意能先入關破秦得復見將軍於此今者有小人之言令將軍與臣有隙項羽曰此沛公左司馬曹無傷言之不然籍何以至此項羽因留沛公與飲項羽項伯東向坐范增南向坐沛公北向坐張良西向侍范增數目項羽舉所佩玉玦以示之者三玦如環而缺其決意殺沛公也項羽默然不應范增起出召項莊謂曰君王為人不忍若入前爲壽若汝也師古曰凡言爲壽者謂進爵於尊者而獻無疆之壽壽畢請以劔舞因擊沛公於坐殺之不者若屬皆且爲所虜莊則入爲壽壽畢曰軍中無以爲樂請以劔舞項羽曰諾項莊拔劔起舞項伯亦

拔劍起舞常以身翼蔽沛公莊不得擊於是張良至軍門見樊噲

噲曰今日之事何如良曰甚急今者項莊拔劍舞其意常在沛公

也噲曰此迫矣臣請入與之同命噲卽帶劍擁盾入盾所以蔽軍身者也

門衛士欲止不內樊噲側其盾以撞衛士仆地撞擊也遂入披帷西

向立瞋目視項羽瞋怒目也頭髮上指目眦盡張裂眦目際也○風項音恣又音在

羽按劍而跽曰客何爲者張良曰沛公之參乘樊噲也項羽曰壯

士賜之卮酒則與斗卮酒噲拜謝起立而飲之項羽曰賜之彘肩

則與一生彘肩樊噲覆其盾於地加彘肩其上拔劍切而啗之音陷

項羽曰壯士復能飲乎樊噲曰臣死且不避卮酒安足辭夫秦

有虎狼之心殺人如不能舉刑人如恐不勝天下皆叛之懷王與

諸將約曰先破秦入咸陽者王之今沛公先破秦入咸陽毫毛不

敢有所近還軍霸上以待將軍所以遣將守關者備他盜出入與
非常也勞苦而功高如此未有封侯之賞而聽細人之說欲誅有
功之人此亡秦之續耳竊爲將軍不取也項羽未有以應曰坐樊
噲從良坐坐須臾沛公起如廁因招樊噲出沛公已出項羽使都
尉陳平召沛公沛公曰今者出未辭也爲之奈何樊噲曰天行不
顧細謹大禮不辭小讓如今人方爲刀俎我爲魚肉何辭爲於是
遂去鴻門去霸上四十里沛公則置車騎脫身獨騎樊噲夏侯嬰
斬彊紀信等四人持劍盾步走從驪山下道芷陽閒行趣霸上京北霸陵縣故芷陽也文帝更名閒空也投空隙而行
與亞父沛公謂良曰從此道至吾軍不過二十里耳度吾至軍中
公乃入沛公已去閒至軍中張良入謝曰沛公不勝楮杓不能辭

謹使臣良奉白璧一雙再拜獻將軍足下玉斗一雙再拜奉亞父足下項羽曰沛公安在良曰聞將軍有意督過之脫身獨去已至軍矣項羽則受璧置之坐上亞父受玉斗置之地拔劍撞而破之曰唉豎子不足與謀奪將軍天下者必沛公也吾屬今爲之虜矣鉅父者范增也

。唉音希又音哀又音鑑又音矣

沛公至軍立誅殺曹無傷居數

日項羽引兵西屠咸陽殺秦降王子嬰掘始皇帝冢發之以三十萬人穿近內機發弩箭射外人莫能近久之箭盡乃得入運物三十日不能窮

附錄其後牧兒亡羊入其壑持火照求羊失火燒其藏棚千口不滅

羽又燒秦宮室火

三月不滅收其寶貨婦女而東秦民大失望

附錄高祖入秦軍珍寶不可言其尤異者

有方鑄人照之則腸胃五藏歷然無礙人有疾病在內則掩心而照之即知病所在女子有邪心則胆張心動始皇以照宮人胆張心動者殺之高祖悉封閉以待韓生說項羽曰關中阻山帶河四項羽羽群將以東後不知所在

塞之國地肥饒可都以霸項羽見秦宮室皆已燒燬殘破又心思

東歸曰富貴不歸故鄉如衣繡夜行誰知之者韓生退曰人言楚

人沐猴而冠耳果然項羽聞之烹韓生 項羽使人致命懷王懷

王曰如約項羽怒曰懷王者吾家所立耳非有功伐張晏曰項何功曰伐

以得專主約天下初發難時假立諸侯後以伐秦然身被堅執銳

首事暴露於野三年滅秦定天下者皆將相諸君與籍之力也懷

王雖無功固當分其地而王之諸將皆曰善春正月羽陽尊懷王

為義帝曰古之帝者地方千里必居上游游即流也言乃徙義帝

於江南都郴史記曰長沙郴縣志郴縣屬桂陽郡蓋高祖定二

月羽分天下王諸將羽自立為西楚霸王文穎曰史記貨殖傳淮

西楚彭城以東吳廣陵為東楚衡山九江江南長沙豫章為南楚

羽欲都彭城故自稱西楚王孟康曰舊名江陵為南楚吳為東楚彭

城爲西楚師古 王梁楚地九郡都彭城班志彭城縣屬楚國羽與

范增疑沛公而業已講解又惡負約乃陰謀曰巴蜀道險秦之遷

人皆居之乃曰巴蜀亦關中地也故立沛公爲漢王王巴蜀漢中

都南鄭巴蜀漢中秦所置三郡地也班志南鄭縣屬漢中括地志

南鄭自南鄭漢中自漢中南鄭者乃古褒國秦未得蜀以前先取

之漢中乃金洋均房等州六百里是也秦得漢中乃分南鄭以韓

之而置郡焉南鄭與漢中爲一自此始春秋楚人巴人滅庸而三

郎今均房兩州地班志漢中郡治西城今金州上庸郡是也

分關中王秦降將以距塞漢路立章邯爲雍王王咸陽以西都廢

耶班志扶風槐里縣周曰犬邱懿王所都也秦曰廢邱高祖三年

耶史名章昭曰犬邱周懿王所都秦欲廢周故曰廢邱括地志廢

耶故城在雍州始平縣東南一十里

長史欣者故爲櫟陽獄掾嘗有德於項梁都尉

董翳者勸章邯降楚故立欣爲塞王王咸陽以東至河都櫟陽

日班志在長安名桃林秦史記正義曰桃林塞今華州道關師古曰

取河華之國爲範塞耳非桃林也櫟陽屬屬所括地志漢七年

分樓陽城內為萬年縣隋改為大興縣唐復萬年秦獻公所城樓陽城在今雍州樓陽縣東北二十五里項梁嘗有樓陽達請斯民今萬年縣故城在西安府臨潼縣北五十里○按晉書立尉為

翟王王上郡都高奴以上郡北近戎翟因以名國班志高奴縣屬上郡素隱曰今鄜州有高奴城括地志延州

城即漢高奴縣杜佑曰延州春秋白翟之地漢為膚施高奴縣河

德地後魏置東夏州後改延州以界內延水為名董翳都高奴今

在延安府鄜州城東五里項羽欲自取梁地乃徙魏王豹為西魏

王王河東都平陽班志平陽縣屬河東郡瑕邱申陽者張耳嬖臣也先下河

南都迎楚河上故立申陽為河南王都洛陽括地志洛陽故城在洛州洛陽縣東北二

十六里周公所築即成周城也輿地志成周之地秦莊襄王以洛陽縣三川守治焉後漢都雒陽改為雒陽以火德忌水故去洛

傍水而加雒雒於行次為土土水之忌也韓王成因故都都陽翟

趙將司馬卬定河內數有功故立卬為殷王王河內都朝歌河內郡朝歌縣故殷都也因以名國徙趙王歇為代王趙相張耳素賢又從

入關故立耳為常山王王趙地治襄國

括地志邢州本漢襄國縣秦置三十六郡於此置信

都縣屬鉅鹿郡項羽改曰襄國子孫班志襄國縣屬趙國信都縣屬信都國漢又分為二縣宋白曰趙王歇都襄國今邢州所理是也

常陽君黥布為楚將常冠軍故立布為九江王都六

班志

縣屬南郡九江應劭曰江自廬江尋陽分為九地理志九江在尋陽縣南皆東合為大江史記正義曰九江郡即壽州楚自陳徙壽

春號曰鄢郢滅楚於此置九江郡補註九江今鳳陽府壽州六故城在廬州府舒城縣東南六十里知故城在黃州府西北一百二

里番君吳芮率百越佐諸侯又從入關故立芮為衡山王都邾

班志

邾縣屬江夏郡括地志知故城在黃州黃岡縣東南二十里義帝柱國共敖將兵璽南郡功多

因立敖為臨江王都江陵

臨江孟康曰本南郡漢改為臨江國江陵縣屬焉

徙燕王韓廣

為遼東王都無終救無終子之圖班志無終縣屬北平郡非遼東

地故也補註無終縣界蓋邪今韓廣都於無終而令併王遼東之今順天府玉田縣燕將臧荼從楚救趙因從入關故立荼為燕王

都薊班志薊縣屬廣陽郡古曰今幽州徙齊王田布為膠東王

縣水經注薊城西北隅有薊邱故名

都卽墨齊將田都從楚救趙因從入關故立都爲齊王都臨菑項

羽方渡河救趙田安下濟北數城引其兵降項羽故立安爲濟北

王都博陽

史記正義曰博陽在濟北班志太山郡盧縣濟北王都豈博陽卽此地邪余據濟北有博陽博陽蓋在北關之

南也田榮數負項梁又不官將兵從楚擊秦以故不封成安君陳餘

棄將印去不從入關亦不封客多說項羽曰張耳陳餘一體有功

於趙今耳爲王餘不可以不封羽不得已聞其在南皮

班志南皮縣屬渤海

郡屬曰章武有北皮亭故北云南括地志南皮故城在滄州南皮縣北四里

因環封之三縣番君將梅

鋤功多封十萬戶侯漢王怒欲攻項羽周勃灌嬰樊噲皆勸之蕭

何諫曰雖王漢中之惡不猶愈於死乎漢王曰何爲乃死也何曰

今敵弗如百戰百敗不死何爲夫能誦於一人之下而信於萬乘

之上者湯武是也臣願大王王漢中養其民以致賢人收用巴蜀

遺定三秦

雍塞

天下可圖也漢王曰善乃遂就國以何為丞相

漢王賜張良金百鎰珠二斗良具以獻項伯漢王亦因令良厚遺

項伯使盡請漢中地項王許之

夏四月諸侯罷戲下兵

師古曰戲謂軍

之旌麾也先是韓侯從項羽入關者各帥其兵聽命於羽今既受封爵各使就國故總言罷戲下也。戲音麾各就國項

王使卒三萬人從漢王之國楚與諸侯之慕從者數萬人從村南

入蝕中

漢京兆杜縣之南也如唐曰蝕入漢中道川谷名近世有程大昌者著雍錄曰以地望求之關中南面背嶺南山其

有微徑可通漢中者唯子午谷在長安正南其地次向西則駱谷此蝕中若非駱谷即是子午谷張良送至褒中

志褒中縣屬漢中郡師古曰褒中言居褒谷之中括地志褒谷在

褒州褒城縣北五十里南中山李文子曰褒谷在褒城北南谷曰

斜谷在鳳翔府郿縣谷中褒水所流穴山架木而行補註褒中今

褒中縣

漢王遣良歸韓良因說漢王燒絕所過棧道以備諸侯盜

兵師古曰棧即關也今關之關道蓋架木為之

且示項羽無東意

田榮聞項羽徙齊

王市於膠東而以田都爲齊王大怒五月榮發兵距擊田都都亡
走楚榮留齊王市不令之膠東市長項羽竊亡之國榮怒六月追
擊殺市於卽墨自立爲齊王是時彭越在鉅野有眾萬餘人無所
屬榮與越將軍卽使擊濟北秋七月越擊殺濟北王安榮遂并王
三齊王之地三齊謂齊及濟北膠東也又使越擊楚項王命蕭公角將兵擊越
越大破楚軍張耳之國陳餘益怒曰張耳與餘功等也今張耳
王餘獨矜此項羽不平乃陰使張同夏說說秦王榮曰項羽爲天
下宰不平盡王諸將善地徙故王於酈地今趙王乃北居代餘以
爲不可聞大王起兵不聽不義願大王資餘兵擊常山復趙王請
以趙爲扞蔽齊王許之遣兵從陳餘項王以張良從漢王韓王
成又無功故不遣之國與俱至彭城廢以爲穰侯班志穰縣屬南陽郡已又

殺之 初淮陰人韓信家貧無行

班志武帝元狩六年置臨淮郡淮陰縣屬焉史記正義曰卽今

楚州縣是也

不得推擇爲吏又不能治生商賈常從人寄食飲人多厭

之常數從其下鄉南昌亭長寄食數月亭長妻患之乃晨炊辱食

食時信往不爲具食信知其意怒竟絕去信釣於城下有漂母見

信飢飯信

以水擊絮曰漂

竟漂數十日信喜謂漂母曰吾必有以重報母

母怒曰大丈夫不能自食吾哀王孫而進食豈望報乎淮陰屠中

少年有侮信者曰若雖長大好帶刀劍中情怯耳因眾辱之曰信

能死刺我不能死出我跨下

飯正跨史記作袴今改從漢書

於是信熟視之俛出

跨下蒲伏一市人皆笑信以爲怯及項梁渡淮信杖劍從之居麾下

下無所知名項梁敗又屬項羽羽以爲郎中數以策干羽羽不用

漢王之入蜀信亡楚歸漢未知名爲連敖坐送當斬

如清曰連敖楚官左傳楚

有連尹莫敖其其輩十三人皆已斬次至信信乃仰視適見滕公

後合爲一官名

滕公即夏侯嬰初從高曰上不欲就天下乎何爲斬壯士滕公奇

禮爲滕公故號滕公

其言壯其貌釋而不斬與語大說之言於王王拜以爲治粟都尉

班表治粟內史秦官掌粟貨都尉亦未之奇也信數與蕭何語何

楚其屬也至漢改內史爲大司馬

奇之漢王至南鄭諸將及士卒皆歌謳思東歸多道亡者信度何

等已數言王王不我用即亡去何聞信亡不及以聞自追之人有

言王曰丞相何亡王大怒如失左右手居一二日何來謁王王且

怒且喜罵何曰若亡何也何曰臣不敢亡也臣追亡者耳王曰若

所追者誰何曰韓信也王復罵曰諸將亡者以十數公無所追追

信詐也何曰諸將易得耳至如信者國士無雙王必欲長王漢中

無所事信必欲爭天下非信無可與計事者願王策安所決耳王

曰吾亦欲東耳安能鬱鬱久居此乎何曰計必欲東能用信信即
留不能用信終亡耳王曰吾爲公以爲將何曰雖爲將信不留王
曰以爲大將何曰幸甚於是王欲召信拜之何曰王素慢無禮今
拜大將如呼小兒此乃信所以去也王必欲拜之擇良日齋戒設
壇場具禮乃可耳王許之諸將皆喜人人各自以爲得大將至拜
大將乃韓信也一軍皆驚信拜禮畢上坐王曰丞相數言將軍將
軍何以教寡人計策信辭謝衛志史記無辭字因問王曰今東鄉爭權天
下豈非項王耶漢王曰然曰大王自料勇悍仁彊孰與項王漢王
默然良久曰不如也信再拜賀曰惟信亦以爲大王不如也然臣
嘗事之請言項王之爲人也項王喑噤叱咤喑噤發怒氣也叱咤發怒聲也○喑音飲
噉音惡叱音千

人皆廢然不能任屬賢將此特匹夫之勇耳項王

見人恭敬慈愛言語嘔嘔

和好貌。嘔嘔借音吁吁。

人有疾病涕泣分食飲至

使人有功當封爵者印刻敝忍不能予

蘇林曰手弄角訛不忍授也。

此所謂婦

人之仁也項王雖霸天下而臣諸侯不居關中而都彭城背義帝

之約而以親愛王諸侯不平逐其故主而王其將相又遷逐義帝

置江南所過無不殘滅百姓不親附特劫於威彊耳名雖爲霸實

失天下心故其彊易弱今大王誠能反其道任天下武勇何所不

誅以天下城邑封功臣何所不服以義兵從思東歸之士何所不

散劉氏曰用東歸之兵擊東方之敵此敵無不敗散也貢父曰何不散者言義兵無敵諸侯之兵無不離散以敗也。且三

秦王爲秦將將秦子弟數歲矣所殺亡不可勝計又欺其眾降諸

侯至新安項王詐坑秦降卒二十餘萬唯獨邯欣翳得脫秦父兄

怨此三人病入骨髓今楚彊以威王此三人秦民莫愛也大王之

入武關秋毫無所害除秦苛法與秦民約法三章秦民無不欲得

大王王秦者於諸侯之約大王當王關中關中民咸知之大王失

職入漢中秦民無不恨者今大王舉而東三秦可傳檄而定也於

是漢王大喜自以為得信晚遂聽信計部署諸將所擊師古曰部分而署置

之之蕭何收巴蜀租給軍糧食八月漢王引兵從故道出襲雍春秋

釋例掩其不備曰襲班志故道縣屬武都郡括地志故道今鳳州兩當縣杜希通典曰故道鳳州梁泉兩當縣地雍王章

邯迎擊漢陳倉雍兵敗還走止戰好時又敗班志陳倉縣屬扶風唐之岐州寶雞縣是

也杜佑曰故城在縣東二十里班志好時縣屬扶風宋白曰漢好

時縣故址在今縣東南四十三里奉天縣界好時故城是也李文

子曰在今鳳翔天走廢邛漢王遂定雍地東至咸陽引兵圍雍王

於廢邛而遣諸將略地塞王欣翟王翳皆降令將軍薛歐王吸出

武關因王陵兵以迎太公呂后於沛項王聞之發兵距之陽夏不

得前夏晉

王陵者沛人也爲人少文任氣好直言沛公微時兄事

陵及起兵陵亦聚黨數千人居南陽不肯從沛公至是始以兵屬

漢項王取陵母置軍中陵使至則東鄉坐陵母欲以招陵陵母私

送使者泣曰願爲老妾語陵善事漢王漢王長者終得天下毋以

老妾故持二心妾以死送使者遂伏劍而死項王怒烹陵母項王

以故吳令鄭昌爲韓王以距漢

班志吳縣屬會稽郡

張良遺項王書曰漢

王失職欲得關中如約卽止不敢東又以齊王田榮反書遺項王

曰

改正通鑑原文有齊梁反書今按史記漢書皆無梁字故去之

齊欲與趙并滅楚項王以此故

無西意而北擊齊

燕王廣不肯之遼東滅荼擊殺之并其地

是歲以內史沛周苛爲御史大夫

班表御史大夫秦官位上卿掌副宰相應劭曰侍御史之率故

稱大

項王使趣義帝行其羣臣左右稍稍叛之

二年冬十月項王密使九江衡山臨江王擊義帝殺之江中

陳餘悉三縣兵與齊兵共襲常山常山王張耳敗欲走楚齊客有
甘公者說耳曰漢王入秦五星從歲星於東井其占曰當以義取
天下漢入秦可謂能義矣楚雖彊後終歸於漢耳乃走漢謁漢王
於廢邸漢王厚遇之陳餘迎趙王於代復爲趙王趙王德陳餘立
以爲代王陳餘爲趙王弱國初定不之國畱傳趙王而使夏說以
相國守代 張耳聞項王殺韓王成卽自韓閒行歸漢漢王以爲
成信侯耳多病未常特將常爲畫策臣時時從漢王 漢王如陝
鎮撫關外父老 河南王申陽降置河南郡 漢王以韓襄王孫
信爲韓太尉將兵略韓地信急擊韓王昌於陽城昌降十一月立
信爲韓王常將韓兵從漢王 漢王還都濞陽

濞音

諸將拔隴

西 籍治河上塞故秦苑囿池令民得田之 春正月項王北

至城陽齊王榮將兵會戰敗走平原平原民殺之項王復立田假
爲齊王遂北至北海燒夷城郭室屋坑田榮降卒係虜其老弱婦
女所過多所殘滅齊民相聚叛之 漢將拔北地虜雍王弟平

二月癸未令民除秦社稷立漢社稷施恩德賜民爵蜀漢民給軍
事勞苦復勿租稅二歲關中卒從軍者復家一歲

復者
福

舉民年五

十以上有修行能率眾爲善者置以爲三老鄉一人擇鄉三老一
人爲縣三老與縣令丞尉以事相教復勿徭戍以十月賜酒肉

三月漢王自臨晉渡河

臨晉注見三卷報王五年師古曰其地在
河之西濱東臨晉境卽今之同州朝邑界

由史記正義曰
臨晉卽蒲津關

魏王豹降將兵從下河內虜殷王卬置河內郡

初陽武人陳平家貧好讀書少與兄伯同居伯常耕田縱平使遊

學平爲人長美色人或謂陳平日貧何食而肥若是其嫂嫉平之不事生產曰亦食糠粃耳有叔若此不如無有伯聞之逐其婦及平長可娶富人莫可與者貧者平亦恥之久之戶牖富人張負有女孫五嫁而夫輒死人莫敢娶平欲得之邑中有喪平貧侍喪以先往後罷爲助張負既見之喪所獨視偉平平亦以故後去負隨平至其家家乃貧郭窮巷以敝席爲門然門外多有長者車轍張負歸謂其子曰吾欲以女孫與陳平子曰平貧不事事一縣中盡笑其所爲奈何與女乎負曰人固有好美如陳平而長貧賤者乎卒與女爲平貧乃假貨幣以聘與酒肉之資以納婦且誡女曰毋以貧故事人不謹平既娶張氏女齋用益饒游道曰廣里中社孔達曰按祭法曰大夫以下成羣立社曰置社注云大夫不得特立社與民族居百家以上則共立一社今時里社是也如鄭此言則

周之政法百家以上得立社其秦漢以來雖非大夫民二十五家
以上則得立社故云今之里社又鄭志云月令命民社謂秦社也
自秦以下民始得立社平爲宰師古曰宰主分肉甚均父老曰善陳孺子之

爲宰平曰嗟乎使平得宰天下亦如是肉矣及諸侯叛秦平事魏

王咎於臨濟爲太僕班表太僕秦官掌與馬應劭曰周穆王所置蓋大御眾僕之長也說魏王不

聽人或說之平亡去後事項羽賜爵爲卿殷王反項羽使平擊降

之還拜爲都尉賜金二十鎰居無何漢王攻下殷項王怒將誅定

殷將吏平懼乃封其金與印使使歸項王而挺身閒行挺身也平拔身閒出

而行也杖劍亡渡河船人見其美丈夫獨行疑其亡將腰中當有金

寶目之欲殺平平恐乃解衣裸而佐刺船船人知其無有乃止平

遂至脩武解漢因魏無知求見漢王漢王召入賜食遣罷就舍平

曰臣爲事來所言不可以過今日於是漢王與語而說之問日子

之居楚何官曰為都尉是日即拜平為都尉使為參乘典護軍諸

將盡謹曰謹音大王一日得楚之亡卒未知其高下而即與同載

反使監護長者漢王聞之愈益幸平 漢王南渡平陰津至洛陽

新城班志平陰縣屬河南郡水經河水逕平陰縣北魏文帝改平陰曰河陰洛陽縣屬河南郡新城時屬縣界惠帝四年始置

新城縣括地志洛州伊闕縣在州南七十里本漢新城也隋文帝改新城為伊闕取伊闕山為名 三老董公遮說

王曰功表十里一亭亭有長十亭一鄉鄉有三老掌教化素制橫道自言曰述臣聞順德者昌逆德者

亡兵出無名事故不成故曰明其為賊敵乃可服項羽為無道放

殺其主天下之賊也夫仁不以勇義不以力大王宜率三軍之眾

為之素服以告諸侯而伐之則四海之內莫不仰德此三王之舉

也於是漢王為義帝發喪袒而大哭哀臨三日露臂曰袒發使告

諸侯曰天下共立義帝北面事之今項羽放殺義帝江南大逆無

道實人親爲發喪兵皆縞素悉發關中兵收三河土

河南河東南河內也

浮江漢以下願縱諸侯王雖楚之殺義帝者使者至趙陳餘曰漢

殺張耳乃從於是漢王求人類張耳者斬之持其頭遺陳餘餘乃

遣兵助漢 田榮弟橫收散卒得數萬人起城陽

史記正義曰城陽濮州甯澤是

余考正義所謂城陽乃班志濟陰郡之城陽縣田榮初與項羽會戰之地榮既敗而北走死於平原羽遂至北海燒夷城郭室屋則

濟陰之城陽已陷在羽軍之後田橫所起蓋班志城陽國之地春秋莒之故墟也羽既連戰未能克橫而漢入彭城遂南從僂出胡

陵至蕭以擊漢苜舊舊爲鄰國則此城陽爲苜之故墟明矣 夏四月立榮子廣爲齊王以拒楚

項王因留連戰未能下雖聞漢東既擊齊欲遂破之而後擊漢漢

王以故得率五諸侯兵

五諸侯謂塞王欣翟王陽河南王申陽韓王信魏王豹

凡五十六萬

人伐楚到外黃彭越將其兵三萬餘人歸漢漢王曰彭將軍收魏

地得十餘城

項羽并王梁楚徙魏王豹於河東魏王今越所下外黃十餘城皆梁地也

欲急立魏後

今西魏王豹真魏後乃拜彭越為魏相國擅將其兵略定梁地

據猶漢王遂入彭城收其貨寶美人日置酒高會項王聞之令請

將擊齊而自以精兵三萬人南從魯出胡陵至蕭魯即伯禽所都

齊置魯縣屬薛彭城日中大破漢軍漢軍皆走相隨入穀泗水死者十餘萬人漢

卒皆南走山楚又追擊至靈壁東睢水上臣瓚曰穀泗二水皆在

出陳留縣西漢葛渠東過沛郡相縣又逕彭城郡之靈壁東而東

南流項羽敗漢王處也漢書又云東逕穀泗服虔曰水名也在沛

國相縣界又詳睢水逕穀熟而南分而睢水為新水故二水所在

枝分通為兼稱穀水之名蓋因地變然則穀水即睢水也睢水又

東南至下相而入於泗謂之睢口泗水又東南過彭城縣東北南

至下邳入淮孟康曰靈壁故小縣在彭城南史記正義曰靈壁在

徐州符離縣西北九十里漢軍卻為楚所擠卒
十餘萬人皆入睢水水為之不流圍漢王三匝會大風從西北起

折木發屋揚沙石竊冥盡晦逢迎楚軍楚軍大亂壞散而漢王乃

得與數十騎遁去欲過沛收家室而楚亦使人之沛取漢王家家

皆亡不與漢王相見漢王道逢孝惠魯元公主魯元公主帝女也服虔曰元長也食

邑於載以行楚騎追之漢王急推墮二子車下滕公為太僕常下

收藏之如是者三曰今雖急不可以驅奈何棄之故徐行漢王怒

欲斬之者十餘滕公卒保護脫二子審食其從太公呂后閒行求

漢王不相遇反遇楚軍審姓食其名楚軍與歸項王常置軍中為質是

時呂后兄周呂侯為漢將兵居下邑宋白曰今宋州碭山縣即古之下邑城也補註下邑今開

封府夏邑縣漢王閒往從之稍稍收其士卒諸侯皆背漢復與楚塞王

欣翟王黥亡降楚田橫進攻田假假走楚楚殺之橫遂復定三

齊之地漢王之敗走下邑也下馬踞鞍問羣臣曰吾欲捐關以

東等棄之誰可與其功者

師古曰捐關以東謂不自有其地將以與人令其立功共破楚也余謂等棄之

者言捐以與人與棄等也

張良曰九江王布楚梟將與項王有隙彭越與齊反

梁地此兩人可急使而漢王之將獨韓信可屬大事當一面即欲

捐之捐之此三人則楚可破也初項王擊齊徵兵九江九江王布

稱病不往遣將軍數千人行漢之破楚彭城布又稱病不佐楚

楚王由此怨布數使使者謂議召布布愈恐不敢往項王方北愛

齊趙西患漢所與者獨九江王又多布材

師古曰多者言重也

欲親用之

以故未之難漢王曰下邑徙軍碭遂至虞

班志虞縣屬梁國師古曰今宋州虞城縣宋白

曰古虞國舜葬禹封其子商均於虞少康奔虞即此

謂左右曰如彼等者無足與計天下事

謁者隨何進曰不審陛下所謂漢王曰孰能為我使九江令之發

兵倍楚留項王數月我之取天下可以百全隨何曰臣請使之漢

王使與二十人俱 五月漢王至滎陽諸敗軍皆會蕭何亦發關

中老弱未傅者

孟康曰古者二十而傅三年耕有一年之儲故二十

從其父疇學之高不滿六尺二寸以下為罷癡漢儀注云民年二

十三為正一歲為衛士一歲為材官騎士習射御馳騁陣又曰年

五十六乃得免為庶人就田里今老弱未傅者皆發之未二十為

弱過五十六為老師古曰傅著也言著名籍給公家徭役也傳讀

日悉詣滎陽漢軍復大振楚起於彭城常乘勝逐北與漢戰滎陽

南京索閒

京縣秦屬三川郡漢改曰河南郡即鄒共叔所居京城

州滎陽縣東南二十里滎陽縣即大索城杜預曰成臯城東有大

索城又有小索故城在滎陽縣北四里宋白曰滎陽縣故城在鄉

州滎澤縣南十七里平原上索水逕其東即項羽圍漢王處秦二

川郡亦曾移理於此括地志所謂滎陽縣即大索城乃唐之滎陽

縣晉灼曰索音冊

師古音求索之索 楚騎來眾漢王擇軍中可為騎將者皆推故秦

騎士重泉人李必駱甲

班志重泉縣屬馮翊括地志重泉故城在同州蒲城縣東南四十五里 漢王

欲拜之必甲曰臣故秦民恐軍不信臣願得大王左右善騎者傅

之如清曰傳發乃拜灌嬰為中大夫令李必駱甲為左右校尉將

騎兵擊楚騎於滎陽東大破之楚以故不能過滎陽而西漢王軍

滎陽築甬道屬之河以取敖倉粟括地志敖倉在鄭州滎陽西北十五里縣門之東北臨汴水南

帶三皇山補註敖倉在開封府河陰縣北二十里諸將絳灌等諸將絳灌等通鑑原文作周勃灌嬰等此從史

記陳平世家之文也但楚漢春秋云漢已定天下論羣臣破敵將活死不衰絳灌樊噲是也功成名立臣為爪牙世世相屬百出

無邪絳侯周勃是也然則絳灌自是別一人舊說謂絳者絳侯淮

者灌嬰謬矣况楚漢春秋陸賈所作與周勃灌嬰同列言之必有

實見可言於漢王曰陳平雖美如冠玉耳孟康曰飾冠以玉光其好外見中無所有也

中未必有也臣聞平居家時盜其嫂事魏不容亡歸楚歸楚不中

又亡歸漢今日大王尊官之令護軍臣聞平受諸將金金多者得

善處金少者得惡處平反覆亂臣也願王察之漢王疑之召讓魏

無知無知曰臣所言者能也陛下所問者行也今有尾生孝已之

行尾生古之信士或曰即微生高而無益勝負之數陛下何暇用

之乎楚漢相距臣進奇謀之士願其計誠足以利國家不耳盜嫂

受金又何足疑乎漢王召讓平曰先生事魏不中事楚而去今又

從我游信者固多心乎平曰臣事魏王魏王不能用臣說故去事

項王項王不能信人其所任受非諸項即婁之昆弟雖有奇士不

能用聞漢王能用人故歸大王臣願身來不受金無以為資誠臣

計畫有可采者願大王用之使無可用者金具在請封輸官得請

骸骨漢王乃謝厚賜拜為護軍中尉盡護諸將諸將乃不敢復言

魏王豹謁歸視親疾

謂歸謂謁告而歸也

至則絕河津反為楚

豹都平陽在河東故

斷其津濟以拒漢軍

六月漢王還櫟陽

壬午立子盈為太子赦罪人

漢

王下令曰吾甚重祀而敬祭今上帝之祭山川諸神當祠者各以

其時禮祠之如故 漢兵引水灌廢邛廢邛降章邯自殺盡定雍

地六十餘縣置河上渭南中地隴西上郡自諸中地郡後至九年罷屬內史武帝建元六

年分爲右內史太初元年更名主爵都尉爲右扶風關中大饑

米斛萬錢人相食令民就食蜀漢初秦之亡也豪傑爭取金玉宣

曲任氏獨窖倉粟漢有長水宣曲胡騎高祖功臣有宣曲侯蓋地名也張揖曰宣曲宮名在昆明池西師古曰宣

曲觀名索隱曰上林賦云西馳宣曲道在京及楚漢相距滎陽民

不得耕種而豪傑金玉盡歸任氏任氏以此起富者數世 秋八

月漢王如滎陽命蕭何守關中侍太子爲法令約束立宗廟社稷

宮室縣邑事有不及奏決者輒以便宜施行主來以聞計關中戶

口轉漕調兵以給軍未嘗乏絕 漢王使酈食其往說魏王豹且

召之豹不聽曰漢王慢而侮人罵詈諸侯羣臣如罵奴耳吾不忍

復見也於是漢王以韓信爲左丞相與灌嬰曹參俱擊魏漢王問
食其魏大將誰也對曰柏直王曰是口尙乳臭安能當韓信騎將
誰也曰馮敬曰是秦將馮無擇子也雖賢不能當灌嬰步卒將誰
也曰項它曰不能當曹參吾無患矣韓信亦問酈生魏得無用周
叔爲大將乎酈生曰柏直也信曰豎子耳遂進兵魏王盛兵蒲坂
以塞臨晉信乃益爲疑兵陳船欲渡臨晉而伏兵從夏陽以木罌
渡軍襲安邑莊志夏陽縣屬馬湖秦之少梁也秦惠文王十一年
更名史記正義曰夏陽在同州北韓城界木罌服虔
日以木枰縛罌缶以渡也韋昭曰以木爲罌如罌缶以渡軍無船
且尙密也師古曰罌說罌是罌缶謂瓶之大腹小口者也○罌音英
魏王豹驚引兵迎信九月信擊虜豹傳詣滎陽悉定魏地置河東
上黨太原郡 漢之敗於彭城而西也陳餘亦覺張耳不死卽背
漢韓信既定魏使人請兵三萬人願以北舉燕趙東擊齊南絕楚

糧道漢王許之乃遣張耳與俱引兵東北擊趙代

時趙王歇王後趙陳餘王代

九月信破代兵擒夏說於閼與信之下魏破代漢輒使人收其精

兵詣滎陽以距楚

資治通鑑補卷第十

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀二

起三年
盡四年

太祖高皇帝上之下

西三年冬十月韓信張耳以兵數萬東擊趙趙王歇及成安君陳

餘聞之聚兵井陘口

杜佑曰井陘口在鎮州鹿泉縣今謂之土門按宋白續通典鎮州石邑縣有井陘山甚險

固又鹿門縣本漢石邑縣界隋開皇十六年置至德初改名獲鹿

又井陘縣穆天子傳天子獵於錫山即此地註云燕趙謂山脊為

陘陘山在縣東南十八里四方高號二十萬廣武君李左車說成

中央下如井故曰井陘。陘晉刑號二十萬廣武君李左車說成

安君曰韓信張耳乘勝而去國遠關其鋒不可當臣聞千里餽糧

士有飢色樵蘇後爨樵取薪也蘇取草也師不宿飽今井陘之道車不得方

軌方軌謂車併行騎不得成列行數百里其勢糧食必在其後願足下假

臣奇兵三萬人從閒路絕其輜重師古曰閒路微路也輜衣車也重謂載重物車也故行者之資

總曰足下深溝高壘勿與戰彼前不得鬪退不得還野無所掠不

至十日而兩將之頭可致於麾下否則必為二子所擒矣成安君

嘗自稱義兵不用詐謀奇計曰韓信兵少而疲如此避而不擊則

諸侯謂吾怯而輕來伐我矣韓信使人閒視知其不用廣武君策

則大喜乃敢引下遂下未至井陘口三十里止舍止軍而舍息也夜半傳

發選輕騎二千人傳發傳令軍中使發兵人持一赤幟漢旗幟皆赤從閒道草山

而望趙軍如清曰草依山以自蔽覆也杜佑曰草山今名抱犢山在鎮州石邑縣井陘山亦在石邑意閒道草山即此地

師古曰蔽隱於山使敵不見。草蓋蔽誠曰趙見我走必空壁逐我若疾入趙壁拔

趙幟立漢赤幟令其裨將傳餐曰

如前日小飯曰餐言破趙乃當共飽食也

今日破趙

會食諸將皆莫信佯應曰諾信曰趙已先據便地爲壁且彼未見

我大將旗鼓未可擊前行恐我至險阻而還也

信蓋謂趙聚兵塞非徑之口欲俟信

出險而後擊之若見前鋒無衆兵

乃使萬人先行出背水陣

史記

日綿蔓水自井州北流入

趙軍望見而大笑平旦信建大將旗鼓

鼓行出井陘口趙開壁擊之大戰良久於是信與張耳佯棄旗鼓

走水上軍水上軍開入之復疾戰趙果空壁爭漢旗鼓逐信耳信

耳已入水上軍軍皆殊死戰

師古曰殊絕也

不可敗信所出奇兵二千騎

共候趙空壁遂利則馳入趙壁皆拔趙旗立漢赤幟二千趙軍已

不能得信等欲還歸壁壁皆漢赤幟見而大驚以爲漢皆已得趙

王將矣兵遂亂遁走趙將雖斬之不能禁也於是漢兵夾擊大破

趙軍斬成安君泚水上

水經注泚水卽井陘山水世謂之鹿泉水東北流屈逕陳餘壘又東注綿蔓水補註

泚水在眞定府臨城縣西北二十五里綿蔓水在眞定府井陘縣南門外。泚有帶支池雉內音

司馬遷曰張耳陳餘世傳所稱賢者其實客廝役莫非天下俊傑所居國無不取卿相者然張耳陳餘始居約時相然信以死豈顧問哉及據國爭權卒相滅亡何向者相慕用之誠後相信之戾也豈非以利哉名譽雖高實客雖盛所由殆與太伯延陵季子異矣

禽趙王歇諸將效首虜畢賀因問信曰兵法右倍山陵前左水澤今者將軍令臣等反背水陳曰破趙會食臣等不服然竟以勝此何術也信曰此在兵法顧諸君不察耳兵法不云陷之死地而後生孫子九地疾戰則存不戰則亡爲死地曹操注曰前有高山後有大水進不得退有礙者置之亡地而後存

且信非得素拊循士大夫也此所謂驅市人而戰之其勢非置之死地使人人自爲戰今與之生地皆走甯尙可得而用之乎諸將皆服曰善非臣所及也信募生得廣武君者予千金有縛致麾下者信解其縛東鄉坐師事之問曰僕欲北伐燕東伐齊何若而有功廣武君辭謝曰臣聞敗軍之將不可以語勇亡國之大夫不可以圖存今臣敗亡之虜何足以權大事乎信曰僕聞之百里奚居虞而虞亡在秦而秦霸非愚於虞而智於秦也用與不用聽與不聽也誠令成安君聽足下計若信者亦已爲禽矣以不用足下故信得侍耳今僕委心歸計願足下勿辭廣武君曰臣聞智者千慮必有一失愚者千慮必有一得故曰狂夫之言聖人擇焉願恐臣計未必足用願效愚忠今將軍涉西河踰魏王笮禽直說東下井

陘不終朝而破趙二十萬眾誅成安君名聞海內威震天下農夫

莫不輟耕釋耒衣甘食

能自保其生業皆賴耕釋耒耨其衣

甘其食以苟生於旦夕不復為久遠計傾耳以待命者此將軍之所畏也然而

眾勞卒罷其貨難用今將軍欲舉倦敝之兵頓之燕堅城之下欲

戰不得攻之不拔情見勢屈曠日持久糧食單竭

單與腐同毒也

燕既不服齊必距境以自彊燕齊相持而不下則劉項之權未有所分也

此將軍所短也善用兵者不以短擊長而以長擊短韓信曰然則

何由席武君對曰方今為將軍計莫如按甲休兵鎮撫趙民百里

之內牛酒日至以饗士大夫北首燕路

頭之所向曰首

而後遣韓士奉咫尺之書

師古曰八寸曰咫

尺者言其簡賅或長咫或長尺喻輕率也

暴其所長於燕燕必不敢

不聽從燕已從而東臨齊雖有智者亦不知為齊計矣如是則天

下事皆可圖也兵固有先聲而後實者此之謂也韓信曰善從其策發使使燕燕從風而靡遣使報漢且請以張耳王趙漢王許之楚數使奇兵渡河擊趙張耳韓信往來救趙因行定趙城邑發兵詣漢 甲戌晦日有食之 十一月癸卯晦日有食之 隨何至

九江九江太宰主之

此太宰非同官之太宰漢率常屬官有太宰師古曰具食之官信使入國必使人爲之主

時布使太宰主何也

三日不得見隨何說太宰曰王的不見何必以楚爲彊

漢爲弱也此臣之所以爲使使何得見言之而是大王所欲聞也言之而非使何等二十人伏斧質九江市足以明王倍漢而與楚也太宰乃言之王王見之隨何曰漢王使臣敬進書大王御者竊怪大王與楚何親也九江王曰寡人北鄉而臣事之隨何曰大王與項王俱列爲諸侯北鄉而臣事者必以楚爲彊可以託國也項

王伐齊身負版築為士卒先

李奇曰版牆版也築杵也

大王宜悉九江之眾身

自將之為楚前鋒今乃發四千人以助楚夫北面而臣事人者固

若是乎漢王入彭城項王未出齊也大王宜悉九江之兵渡淮日

夜會戰彭城下大王乃撫萬人之眾無一人渡淮者垂拱而觀其

孰勝夫託國於人者固若是乎大王提空名以鄉楚而欲厚自託

臣竊為大王不取也然而大王不背楚者以漢為弱也夫楚兵雖

彊天下負之以不義之名以其背盟約而殺義帝也漢王收請侯

還守成臯滎陽下蜀漢之聚深溝壁壘分卒守徼乘塞

索隱曰徼謂邊故亭

障以蔽繞邊陲常守之也乘登

楚人深入敵國八九百里

言楚自彭城至

滎陽成皋中斷有梁地謂之彭越時反梁地

是楚之敵國也故云深入敵國八九百里

老弱轉輸千里之外漢堅守而不動楚進則不得攻退則不能解故曰楚兵不足恃也

使楚勝漢則諸侯自危懼而相救夫楚之疆適足以致天下之兵耳故楚不如漢其勢易見也今大王不與萬全之漢而自託於危亡之楚臣竊爲大王惑之臣非以九江之兵足以亡楚也大王發兵而倍楚項王必留關數月漢之取天下可以萬全臣請與大王提劍而歸漢漢王必裂地而封大王又況九江必大王有也九江王曰請奉命陰許畔楚與漢未敢泄也楚使者在九江舍傳舍客舍也前客舍之而去後客復來舍之傳相受也故謂之傳舍方急賈布發兵隨何直入坐楚使者上曰九江王已歸漢楚何以得發兵布愕然楚使者起何因說布曰事已構師古曰構結也言背楚之事已結成也可遂殺楚使者無使歸而疾走漢并力布曰如使者教於是殺楚使者因起兵而攻楚楚使項聲龍且攻九江龍姓且名數月龍且破九江軍布欲引兵走漢恐楚兵擊

之乃間行與何俱歸漢十二月九江王至漢漢王方踞牀洗足召布人見布大怒悔來欲自殺及出就舍帳御飲食從官皆如漢王居布又大喜過望於是乃使人入九江楚已使項伯收九江兵盡殺布妻子布使者頗得故人幸臣將眾數千人歸漢漢益九江王兵與俱屯成皐 楚數侵奪漢甬道漢軍乏食漢王與酈食其謀燒楚糧食其曰昔湯伐桀封其後於杞武王伐紂封其後於宋今秦失德棄義侵伐諸侯滅其社稷使無立錫之地陛下誠能復立六國之後此其君臣百姓必皆戴陛下之德莫不嚮風慕義願爲臣妾德義已行陛下南鄉稱霸楚必歛衽而朝漢王曰善趣刻印先生因行佩之矣食其未行張良從外來謁漢王方食曰子房前子房張良字也客有爲我計燒楚糧者具以酈生語告良曰何如良曰誰

爲陛下畫此計者陛下事去矣漢王曰何哉對曰臣請借前箸爲

大王籌之時漢王方食故良言順湯武封桀紂之後者度能制其

生死之命也今陛下能制項籍之死命乎其不可一也武王入殷

表商容之閭釋箕子之囚封比干之墓商容殷賢人里門曰閭表

武王克殷釋箕子囚封比干墓韓詩外傳曰商容執羽旄馮於馬

徒欲以化紂而不能遂去伏於太行山武王欲以爲三公辭而不

受鄭元曰商家樂官知商容所以禮著稱容適今陛下能乎其不可二也發巨橋之粟散

鹿臺之財服虔曰巨橋倉名許慎曰鉅鹿之大橋有清渠比伯曰

中對向曰其大以賜貧窮今陛下能乎其不可三也殷事已畢假

革爲軒蘇林曰革者兵車也軒者朱軒皮軒也謂廢兵車而用乘

革爲軒車也說文曰軒曲周屏車如盾曰革者革車也軒者赤轂

乘軒也假武備而治禮樂也倒載干戈示天下不復用兵今陛下能乎其不可

四也休馬華山之陽示以無爲今陛下能乎其不可五也放牛桃

資治通鑑補卷十 漢紀二 六 恩補樓

林之陰

晉灼曰桃林在宏農園鄉南谷中山海經曰夸父之山北有林焉名曰桃林廣闊三百里十三州記宏農有桃邱聚

即桃林也師古曰桃林山谷在國鄉縣東南西南去湖城縣三十五里。屬晉民

以示不復輸積今陛下

能乎其不可六也天下游士離其親戚棄墳墓去故舊從陛下游

者徒欲日夜望咫尺之地今復立六國之後天下游士各歸事其

主從其親戚反其故舊墳墓陛下誰與取天下乎其不可七也且

夫楚雖無彊六國立者復橈而從之

服虔曰惟當使楚無彊強則六國弱而從之晉灼曰當今

惟楚大無有彊之者若復立六國六國皆橈而從之陛下安得而臣之乎

陛下焉得而臣之其不可八

也誠用客之謀陛下事去矣漢王輟食吐哺罵曰豎儒幾敗而公

事

而汝也公尊稱也高祖賜爵人率曰而公乃公蓋自尊解

令趣銷印

荀悅論曰夫立策決勝之術其要有三一曰形二曰勢三曰情

形者言其大體得失之數也勢者言其臨時之宜進退之機也

情者言其心志可否之實也故策同事等而功殊者三術不同也初張耳陳餘說陳涉以復六國自爲樹黨酈生亦說漢王所以說者同而得失異者陳涉之起天下皆欲亡秦而楚漢之分未有所定今天下未必欲亡項也故立六國於陳涉所謂多己之黨而益秦之敵也且陳涉未能專天下之地也所謂取非其有以與於人行虛惠而受實福也立六國於漢王所謂割己之有而以資敵設虛名而受實禍也此同事而異形者也及宋義待秦趙之幾與昔卞莊刺虎同說者也

卞莊子刺虎管豎子止之日兩虎方食牛牛甘

必爭鬪則大者小傷者亡從傷而刺一舉必有兩獲莊子然之果獲二虎

施之戰國之時鄰國相攻

無臨時之急則可也戰國之立其日久矣一戰勝敗未必以存亡也其勢非能急於亡敵國也進乘利退自保故累力待時乘

敵之斃其勢然也。今楚趙所起其與秦勢不並立安危之機呼
吸成變進則定功退則受禍此同事而異勢者也。伐趙之役韓
信軍於滎水之上而趙不能敗彭越之難漢王戰於睢水之上
士卒皆赴入睢水而楚兵大勝何則趙兵出國迎戰見可而進
知難而退懷內顧之心無出死之計韓信軍孤在水上士卒必
死無有二心此信之所以勝也。漢王深入敵國置酒高會士卒
逆豫戰心不固楚以彊大之威而喪其國都士卒皆有憤激之
氣救敗赴亡之急以決一旦之命此漢之所以敗也。且韓信選
精兵以守而趙以內顧之士攻之項羽選精兵以攻而漢以怠
惰之卒應之此同事而異情者也。故曰權不可豫設變不可先
圖與時遷移應物變化設策之機也。

漢王謂陳平曰天下紛紛何時定乎陳平對曰項王爲人恭敬愛
人士之廉節好禮者多歸之至於行功爵邑重之士亦以此不附
大王慢而少禮士廉節者不來然大王能饒人以爵邑士之頑鈍
嗜利無恥者亦多歸漢誠各去其兩短襲其兩長天下指麾可定
矣顧楚有可亂者彼項王骨鯁之臣亞父鍾離昧龍且周殷之屬
不過數人耳未音大王誠捐能數萬斤金行反閒閒其君臣以疑
其心項王爲人意忌信讒必內相誅漢因舉兵而攻之破楚必矣
漢王曰善乃出黃金四萬斤與平恣所爲不問其出入平多以金
縱反閒於楚軍宣言諸將鍾離昧等爲項王將功多矣然而終不
得裂地而王欲與漢爲一以滅項氏而分王其地項羽果意不信
鍾離昧等夏四月楚圍漢王於滎陽急漢王請和割滎陽以西者

爲漢項王欲聽之亞父勸羽急攻滎陽漢王患之齎項王使使至

漢陳平使爲太牢具

古者諸侯遣使交聘其牢禮各如其命數以三牲具爲一牢秦滅古法軍興之時不能備

古之牢禮故以太牢具爲盛禮孔穎達曰按周禮膳夫下曰一舉十有二物謂太牢也是周公制禮天子日食太牢則諸侯日食少牢大夫日食特牲士日食特豚至後世衰亂玉藻云天子日食少牢朔月太牢諸侯日食特牲朔月少牢則知大夫日食特豚朔月特牲士日食無文朔月特豚故內則云見子具朝食註云天子太牢諸侯少牢大夫特牲士特豚諸侯祭以太牢得殺牛諸侯之大夫祭以少牢得殺羊天子大夫祭亦得殺牛其諸侯及大夫養食賓得用牛也故大行人掌客諸侯待賓皆用牛也公食大夫禮大夫食賓禮亦用牛也舉進見楚使卽佯驚曰吾以爲亞父使乃項王使復持

去更以惡草具進楚使

服虔曰惡草惡草草率也

楚使歸具以報項王項王果

大疑亞父亞父欲急攻下滎陽城項王不信不可聽亞父謂項王

疑之乃怒曰天下事大定矣君王自爲之願賜骸骨歸未至彭城

疽發背而死

五月將軍紀信言於漢王曰事急矣臣請誑楚王

可以開出於是陳平夜出女子東門二千餘人楚因四面擊之紀

信乃乘王車黃屋左纛

李裴曰天子車以黃綰爲蓋裏纛羽幢也

在乘輿車衡左方上柱之蔡邕曰以犂牛尾爲之大如斗或在駢頭或在衡應劭曰犂尾爲之在左駢當衡上節古曰應說非爾雅翼犂西南夷長犂牛似牛而四節犂下及肘皆自犂毛長尺餘而尾尤佳其大如斗天子之車左纛以此牛尾爲之繫於左駢馬輓上蓋馬在中曰服在外曰駢駢卽駢也安最外馬頭上以亂馬目不令相見也○蠶書犂又音毒

曰食盡漢王降楚皆呼萬歲之城東

觀以故漢王得與數十騎出西門遁去令韓王信與周苛魏豹縱

公守滎陽

從晉宗

羽見紀信問漢王安在曰已出去矣羽燒殺信周

苛縱公相謂曰反國之王難與守城因殺魏豹漢王出滎陽至成

皋入關收兵欲復東轅生說漢王曰

轅姓也

漢與楚相距滎陽數歲

漢常困頓君王出武關項王必引兵南走王深壁勿戰令滎陽成

事閒且得休息使韓信等得安輯河北趙地連燕齊君王乃復走

滎陽如此則楚所備者多力分漢得休息復與之戰破之必矣漢

王從其計出軍宛葉間

班志二縣屬南陽郡史記正義曰宛鄧州縣葉汝州縣

與黥布行收

兵羽聞漢王在宛果引兵南漢王堅壁不與戰漢王之敗彭城解

而西也彭越皆亡其所下城獨將其兵北居河上常往來爲漢游

兵擊楚絕其後糧是月彭越渡睢與項聲薛公戰下邳破殺薛公

羽乃使終公守成皐而自東擊彭越漢王引兵北擊破終公復軍

成皐六月羽已破走彭越開漢復軍成皐乃引兵西拔滎陽城生

得周苛羽謂苛爲我將以公爲上將軍封三萬戶周苛罵曰若不

趨降漢今爲虜矣若非漢王敵也羽烹周苛并殺樞公而虜韓王

信遂圍成皐漢王逃

附錄郡國志云滎陽版渚津原上有厄井相傳漢王爲項羽所追投匿於中卽有蜘蛛結

網蔽其口又有雙鳩立於上追者欲搜井因見鳩與蛛網乃去後汲魚爲滎陽守立神蛛鵲祀之而漢正旦放雙鳩或取義於此乎

獨與滕公共車出成皋玉門

張晏曰玉門成皋北門

北渡河宿小脩武傳舍

百灼曰在大脩武城東謂諸小脩武故城在懷慶府脩武縣東四里

晨自稱漢使馳入趙壁張耳韓

信未起即其臥內奪其印符以麾召諸將易置之信耳起乃知漢

王來大驚漢王既奪兩人軍即令張耳循行衛守趙地拜韓信為

相國收趙兵未發者擊齊諸將稍稍得出成皋從漢王楚遂拔成

皋欲西漢使兵距之鞏

班志鞏縣屬河南郡即東周君所居汝洛地圖云鞏固也鞏在洛水之間言四面

河山可以鞏固

令其不得西

秋七月有星孛於大角

隋天文志孛之屬也

指曰彗芒氣四出曰孛字者孛孛然非常惡氣之所生也內不有大亂外必有大兵天下合謀暗蔽不明有所傷害晏子曰君若不

改李星將出尋何懼乎由是言之災甚於尋班志云房南眾星曰騎官左角理右角將大角者天王帝座庭

臨江王

敖菟子尉嗣

漢王得韓信軍復大振八月引兵臨河南鄉鎮小

脩武欲復與楚戰郎中鄭忠說止漢王

漢制議郎中郎秩比六百石侍郎比四百石郎中比

三百石皆屬郡中令使高壘深塹勿與戰漢王聽其計使將軍劉賈盧綰將

卒二萬人騎數百度白馬津人楚地佐彭越燒楚積聚以破其業

師古曰積聚所蓄軍糧芻粟之屬也無以給項王軍食已而楚兵

擊劉賈賈輒堅壁不可與戰而與彭越相保 彭越攻徇梁地下

睢陽外黃等十七城睢陽秦縣屬梁國故微子所封國也唐爲宋州宋城縣杜佑曰漢外黃故城在

陳留郡雍邱縣東春秋齊桓公會諸侯於葵邱即此九月項王謂大司馬曹咎曰謹守成皐

卽漢王欲挑戰慎勿與戰勿令得東而已我十五日必定梁地復

從將軍羽引兵東行擊陳留外黃外黃數日不下已降項王怒悉

令男子年十五已上詣城東欲坑之外黃令舍人兒年十三往說

項王曰彭越強劫外黃外黃恐故且降以待大王大王至又皆坑

之百姓豈有歸心從此以往梁地十餘城皆恐莫肯下矣項王然

其言乃赦外黃當院者東至睢陽問之皆至下項王 漢王欲捐

成舉以東屯鞏洛以距楚鄴生曰臣聞知天之天者王事可成王

者以民爲天而民以食爲天 大戴禮曰食穀者習慧而巧古史考

始夷肉而燔之曰炮神農時人方食穀加米於燒石之上而夫赦

食之及黃帝時始有釜甑火食之道成矣○炮者砲又音砲倉天下轉輸久矣臣聞其下乃有藏粟甚多楚人拔滎陽不堅守

敖倉乃引而東令譙卒分守成舉此乃天所以資漢也方今楚易

取而漢反卻自奪其便臣竊以爲過矣且兩雄不俱立楚漢久相

持不決海內搖蕩農夫釋耒工女下機天下之心未有所定也願

足下急復進兵收取滎陽據敖倉之粟塞成舉之險杜太行之道

距蜚狐之口 如淳曰上黨壘關也臣贊曰飛狐口在代郡師古曰

瓊說是在關無飛狐之名地道記恆山在上曲陽縣

西北百四十里北行四百五十里得恆山峻號飛狐口北則代郡

也水經註代郡南四十里有蜚狐關史記正義曰按蔚州飛狐縣

北百五十里有秦故代郡城西南有山俗號蜚狐口補註飛狐口今大同府廣昌縣。故晉蜚奄入聲。守白馬之津

以示諸侯形制之勢謂因地形而制敵。則天下知所歸矣王從之乃復

謀取敖倉食其又說王曰方今燕趙已定唯齊未下諸田宗彊負

海岱阻河濟齊地東至海南至太山故曰負海岱。西阻清濟北阻濁河故曰阻河濟。南近於楚人多

變詐足下雖遣數萬師未可以歲月破也臣請得奉明詔說齊王

使為漢而稱東藩按考異曰史記漢書皆以食其勸取敖倉及請說齊合為一事獨對向新序為二臣謂謂分為二者

是王曰善乃使酈生說齊王曰王知天下之所歸乎齊王曰不

知也天下何所歸酈生曰歸漢曰先生何以言之曰漢王先入咸

陽項王負約王之漢中項王遷殺義帝漢王聞之起蜀漢之兵擊

三秦出關而責義帝之處收天下之兵立諸侯之後降城即以侯

其將得賂即以分其士與天下同其利聚英賢才皆樂為之用項

王有倍終之名殺義帝之負

毛晃曰倍恩無德曰負

於人之功無所記於人

之罪無所忘戰勝而不得其賞拔城而不得其封非項氏莫得用

事天下畔之賢才怨之而莫爲之用故天下之士歸於漢王可坐

而策也夫漢王發蜀漢定三秦涉西河破北魏

河自臨洮以上謂門以下爲西河案

臨曰北魏謂魏王豹豹國於河北故也亦謂之西魏以大梁於安邑爲東也

出井陘誅成安君此非入

之力也天之福也今已據敖倉之粟塞成臯之險守白馬之津杜

太行之阪距蜚狐之口天下後服者先亡矣

形生之說形格勢禁之說也然據敖倉塞

成臯則項羽不能西守白馬杜太行距蜚狐則河北燕趙之地盡爲漢有齊楚將安歸乎白馬津在唐滑州太行阪在唐澤州界杜

佑曰蔚州蜚狐縣漢廣昌縣地飛狐口在縣北即漢之飛狐道通趙川郡懷戎縣

王疾先下漢王齊國可

得而保也不然危亡可立而待也先是齊聞韓信且東兵使華無

傷田解將重兵屯厯下以距漢

張揖曰濟南厯山之下余據鄒食其傳曰軍於厯城則厯下即濟南

高祖三年四年

郡縣及納酈生之言遣使與漢平乃罷歷下守戰備與酈生日縱酒爲樂韓信引兵東未度平原聞酈食其已說下齊欲止辨士蒯徹說信曰將軍受詔擊齊而漢獨發閒使下齊甯有詔止將軍乎何以得毋行也且酈生一士伏軾掉三寸之舌軾車前橫木人下所憑者掉搖也下齊七十餘城將軍以數萬眾歲餘乃下趙五十餘城爲將數歲反不如一豎儒之功乎於是信然之遂渡河

越四年冬十月信襲破齊歷下軍遂至臨淄齊王以酈生爲賣已

趙曰汝能止漢軍我活汝不然我將烹汝酈生曰舉大事不細讓

盛德不辭讓而公不爲若更言齊王遂烹酈生引兵東走高密

縣在膠西宣帝本始元年爲高密國高密使使之楚請救田橫走博陽

朱白曰高密春秋時晏子所食邑此據史記也班書作橫走博博陽近清河博關此正韓信自趙進兵之路臨淄既破君相皆出走其後韓信既虜田橫於濰水就嬰

又敗田橫於嶺下嶺下廣縣亦屬太山郡據地志故廣城在兗州博守城縣東北百里唐之博城漢太山之博縣此博陽即博城之陽

相田光走城陽將軍田既軍於膠東括地志即墨故城在萊州膠水縣南六十里古齊地漢爲

膠東國以其地在膠水之東也 楚大司馬咎守成皐漢數挑戰楚軍不出使人

尋之數日咎怒渡兵汜水張晏曰汜水在濟陰界臣瓌曰高祖攻曹咎於成皐咎渡汜水而戰今成皐城

東汜水是也師古曰費說得之此水不在濟陰也括地志汜水源出洛州汜水縣東南三十二里方山山海經浮戲之山汜水出焉

○汜士卒半渡漢擊之大破楚軍盡得楚國金玉貨賂咎及司馬

欣皆自到汜水上漢王引兵渡河復取成皐軍廣武孟康曰於滎陽集兩城相

對爲廣武在敖倉西三皇山上括地志東廣武西廣武在鄭州滎陽縣西二十里敖倉之西征記曰三皇山上有二寨東曰東廣武

西曰西廣武各在一山頭相去百步汴水從廣澗中東南流今澗無水城各有三面在敖倉西即緣生述征記曰一澗橫絕上澗名

曰廣武相對皆立城塹遂號東西廣武就敖倉食項羽下梁地十

餘城聞成皐破乃引兵還漢軍方圍鍾離昧於滎陽東聞羽至盡

餘城聞成皐破乃引兵還漢軍方圍鍾離昧於滎陽東聞羽至盡

走險阻羽亦軍廣武與漢相守數月楚軍食少項王患之乃爲俎
置太公其上告漢王曰今不急下吾烹太公漢王曰吾與羽俱北
面受命懷王約爲兄弟吾翁卽若翁必欲烹而翁幸分我一杞羹
師古曰俎者所以薦肉示
款烹之故置之俎上也項王怒欲殺之項伯曰天下事未可知

且爲天下者不顧家雖殺之無益祇益禍耳項王從之項王謂漢
王曰天下洶洶數歲者徒以吾兩人耳願與漢王挑戰決雌雄毋
徒苦天下之民父子爲也漢王笑謝曰吾甯關智不能鬪力項王

三令壯士出挑戰漢有善騎射者樓煩輒射殺之

應劭曰樓煩胡人也李奇曰後

爲縣屬鴈門此縣人善騎射謂士
爲樓煩取其稱耳未必樓煩人也

項王大怒乃自被甲持戟挑戰

樓煩欲射之項王瞋目叱之樓煩目不敢視手不敢發遂走還入
壁不敢復出漢王使人問之

問問微
問也

乃項王也漢王大驚於是

項王乃卽漢王

卽就也從也

相與臨廣武閒而語羽欲與漢王獨身挑

戰漢王數羽曰羽負約王我於蜀漢罪一矯殺卿子冠軍罪二救

趙不還報而擅劫諸侯兵入關罪三燒秦宮室掘始皇塚收私其

財罪四

收私者收取其財以爲私有

殺秦降王子嬰罪五詐坑秦子弟新安二

十萬罪六王諸將善地而徙逐故王罪七出逐義帝彭城自都之

奪韓王地并王梁趙多自與罪八使人陰殺義帝江南罪九弔爲

人臣而弑其主殺已降爲政不平主約不信天下所不容大逆無

道罪十也吾以義兵從諸侯誅殘賊使刑餘罪人擊公何苦乃與

公挑戰羽大怒伏弩射中漢王漢王傷臂乃捫足曰虜中吾指

也傷臂而捫足者以安眾也

漢王病創臥張良彊請漢王起行勞軍以安士卒

毋令楚乘勝漢王出行軍疾甚因馳入成皐

附錄三輔故事云漢楚相距於京索閒六

年漢王身被大創十二矢石通中者有四獨異志云高
祖每戰必親矢石前後被七十二箭咸言滅七十二子

韓信已

定臨淄遂東追齊王項王使龍且將兵號二十萬以救齊與齊王

合軍高密客或說龍且曰漢兵遠鬪窮戰其鋒不可當齊楚自居

其地戰兵易敗散

孫子九地諸侯自戰其地為散地

不如深壁令齊王使其信臣

招所亡城亡城聞王在楚來救必反漢漢兵二千里客居齊地齊

城皆反之其勢無所得食可無戰而降也龍且曰吾平生知韓信

為人易與耳寄食於漂母無資身之策受辱於跨下無兼人之勇

不足畏也且夫救齊不戰而降之吾何功今戰而勝之齊之半可

得也十一月齊楚與漢夾濰水而陳

徐廣曰濰才出東莞而東北流至北海都昌縣入海索隱

曰濰水出琅邪其縣東北至都昌入海水經註濰水韓信夜令人

巡高密縣故城西韓信與龍且夾水而陳即此處韓信夜令人
為萬餘囊滿盛沙壅水上流引軍半渡擊龍且佯不勝還走龍且

果喜曰固知信怯也遂追信渡水信使人決壅囊水大至龍且軍

大半不得渡卽急擊殺龍且龍且水東軍散走齊王廣亡去信遂

追北至城陽虜齊王廣

史記正義曰城陽卽今濰縣是也在濰州東南九十一里予按班志濟陰郡城陽

縣雷澤在西北此梁地也自濰水追北至城陽此乃漢城陽國之地正義此誤與上卷二年田橫起城陽同漢將灌嬰

追得齊守相田光進至博陽田橫聞王死自立爲齊王還擊嬰

敗橫軍於贏下田橫亡走梁歸彭越嬰進擊齊將田吸於千乘

千乘故城在淄州高苑縣北二十五里曹參擊田旣於膠東皆殺

之盡定齊地立張耳爲趙王漢王疾愈西入關至櫟陽梟故

塞王欣頭櫟陽市

師古曰縣首留四日復如軍軍廣武韓信使

人言漢王曰齊僞詐多變反覆之國也南邊楚

師古曰邊近也請爲假王

以鎮之漢王發書大怒罵曰吾困於此旦暮望若來佐我乃欲自

立爲王張良陳平躡漢王足因附耳語曰漢方不利甯能禁信之
自王乎不如因而立之善遇之使自爲守不然變生漢王亦悟因
復罵曰大丈夫定諸侯卽爲眞王耳何以假爲春二月遣張良操
印立韓信爲齊王徵其兵擊楚 項王聞龍且死大懼使賁賁人
武涉往說齊王信曰天下共苦秦久矣相與戮力擊秦秦已破計
功割地分土而王之以休士卒今漢王復興兵而東侵人之分奪
人之地已破三秦引兵出關收諸侯之兵以東擊楚其意非盡吞
天下者不休其不知厭足如是之甚也且漢王不可必身居項王
掌握中數矣項王憐而活之然得脫輒信約復擊項王其不可親
信如此今足下雖自以漢王爲厚交爲之盡力用兵必終爲所擒
矣足下所以得須臾至今者以項王尙存也當今二王之事權在

足下足下右投則漢王勝左投則項王勝項王今日亡則次取足下足下與項王有故何不反漢與楚連和參分天下王之今釋此時而自必於漢以擊楚且爲智者固若此乎韓信謝曰臣事項王官不過郎中位不過執戟言不聽畫不用故倍楚而歸漢漢王授我上將軍印予我數萬眾解衣衣我推食食我言聽計用故吾得以至於此夫人深親信我我倍之不祥雖死不易幸爲信謝項王武涉已去蒯徹知天下權在信欲說信令背漢乃先微感信曰僕嘗愛相人之術信曰先生相人何如對曰貴賤在乎骨法憂喜在乎容色成敗在乎決斷以此參之萬不失一韓信曰先生相寡人何如徹曰僕相君之面不過封侯又危不安相君之背貴乃不可言韓信曰何謂也蒯徹曰天下初發難也後雄豪傑建號一呼天

下之士雲合霧集魚鱗雜遝燿至風起當此之時憂在亡秦而已
師古曰志在滅秦所憂者惟此。還音香燿音標 今楚漢分爭使天下無罪之人肝膽塗

地父子暴骸骨於中野不可勝數楚人起彭城轉鬪逐北至於滎
陽乘利席卷威震天下然兵困於京索之間迫西山而不能進者
三年於此矣漢王將十萬之眾距鞏雒阻山河之險一日數戰無
尺寸之功折北不救敗滎陽傷成皋遂走宛葉之間此所謂智勇
俱困者也銳氣挫於險塞糧食竭於內府百姓罷極怨望容容無
所倚以臣料之其勢非天下之賢聖固不能息天下之禍當今兩
主之命懸於足下足下爲漢則漢勝與楚則楚勝誠能聽臣之計
莫若兩利而俱存之參分天下鼎足而居其勢莫敢先動夫以足
下之賢聖有甲兵之眾據彊齊從燕趙出空虛之地而制其後因

民之欲西鄉爲百姓請命

師古曰齊國在東故曰西鄉止楚漢之戰關士卒不死亡故曰請命

則天

下風走而響應矣孰敢不聽割大弱強以立諸侯諸侯已立天下服聽而歸德於齊按齊之故有膠泗之地深拱揖讓則天下之君王相率而朝於齊矣蓋聞天與不取反受其咎時至不行反受其殃願足下熟慮之韓信曰漢王遇我甚厚吾豈可鄉利而倍義乎蒯生曰始常山王成安君爲布衣時相與爲刎頸之交後爭張驪陳澤之事常山王殺成安君泚水之南頭足異處此二人相與天下至驩也然而卒相禽者何也患生於多欲而人心難測也今足下欲行忠信以交於漢王必不能固於二君之相與也而事多大於張驪陳澤者故臣以爲足下必漢王之不危已亦謬矣大夫種存亡越霸句踐立功成名而身死亡野獸盡而獵狗烹夫以交友

言之則不如張耳之與成安君也以忠信言之則不過大夫種之於句踐也此二者足以觀矣願足下深慮之且臣聞勇畧震主者身危功蓋天下者不賞臣請言大王功略足下涉西河虜魏王禽夏說引兵下井陘誅成安君徇趙脅燕定齊南摧楚人之兵二十萬東殺龍且西向以報此所謂功無二於天下而略不世出者也今足下戴震主之威挾不賞之功歸楚楚人不信歸漢漢人震恐足下欲持是安歸乎韓信謝曰先生且休矣吾將念之後數日蒯徹復說曰夫聽者事之候也師古曰謂能聽善謀也計者事之機也聽過計失而能久安者鮮矣故知者決之斷也疑者事之害也審臺釐之小計遺天下之大數智誠知之決弗敢行者百事之禍也故曰猛虎之猶豫不如蜂蟄之致螫駸駸之踟躕不如驚馬之安步孟賁

之狐疑不如庸夫之必至也雖有舜禹之智吟而不言不如瘖聵之指揮也此言貴能行之夫功者難成而易敗時者難得而易失也時乎時乎不再來韓信猶豫不忍倍漢又自以為功多漢終不奪我齊遂謝蒯徹徹因去佯狂為巫時有北郭先生者亦獻帶於信曰牛為人任用力豈猶不置其芻 秋七月立黥布為淮南王

八月北貉燕人來致梟騎助漢

韓古曰貉在東北方三韓之屬皆貉類也蓋貉人及燕皆來助

漢漢初為算賦民年十五以上至五十六出賦錢人百二十為

一算治庫兵車馬 漢王下令軍士不幸死者吏為衣衾棺斂轉

送其家

轉送傳送也

四方歸心焉

是歲以中尉周昌為御史大夫

姓表

中尉秦官掌徵循京師武昌苛從弟也 項羽自知少助食盡韓帝太初元年更名執金吾信又進兵擊楚羽患之漢遣陸賈說項王請太公項王弗聽漢王

復使侯公說請之羽乃與漢約中分天下割淇溝以西爲漢以東

爲楚

文穎曰於滎陽下引河東南爲淇溝以通宋鄭陳蔡曹衛與濟汝淮泗會於楚卽今官渡水也應劭曰滎陽東南二十里

蓋引河東南入淮泗也張華曰大梁城在浚儀縣北縣西北渠水東經此城南又北屈分爲二渠其一渠東南流始皇鑿之引河水以灌大梁謂之淇溝其一渠東經陽武縣南爲官渡水杜佑曰鄭州滎陽縣西有鴻溝楚漢分境之所

九月楚歸太

公呂后漢軍皆呼萬歲漢王乃封侯公爲平國君匿不可見曰此天下辯士所居傾國故號爲平國君項王已約引兵解而東歸漢王欲西歸張耳陳平說曰漢有天下大半而諸侯皆附楚兵能食盡此天亡之時也今釋弗擊此所謂養虎自遺患也漢王從之

資治通鑑補卷第十一

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀三

起五年
盡七年

太祖高皇帝中

紀五年冬十月漢王追項羽至固陵

徐廣曰固陵在陽夏晉灼曰即固始縣余據班志固始與

陽夏為兩縣皆屬淮陽國劉昭志陳國陽夏縣有固陵聚括地志固陵縣名在陳州宛邱縣西北四十二里補註固陵在開封府陳

州城西北

三十里與齊王信魏相國越期會擊楚信越不至楚擊漢軍大

破之漢王復堅壁自守謂張良曰諸侯不從奈何對曰楚兵且破

二人未有分地

韋昭曰信等雖名為王未有分地疆界

其不至固宜君王能與其天

下可立致也齊王信之立非君王意信亦不自堅彭越本定梁地

始君王以魏豹故拜越為相國今豹死越亦望王而君王不早定

今能取睢陽以北至穀城皆以王彭越班志睢陽縣屬梁國劉昭志穀城縣屬東郡春秋之

小穀也括地志穀城故城在濟州東阿縣東二十六里睢陽從陳

宋州也自宋州以北至濟州穀城縣際黃河盡以封彭越

以東傳海與齊王信陳古陳國班志之淮陽國也唐為陳州自信

家在楚其意欲復得故邑能出捐此地以許兩人使各自為戰則

楚易破也漢王從之於是韓信彭越皆引兵來十一月劉賈南渡

淮圍壽春遣人誘楚大司馬周殷殷畔楚以舒屠六舒春秋之舒國也班志舒

縣屬廬江郡括地志舒舉九江兵迎黥布史記正義曰九江郡即今廬江之故舒城地也

年徙壽春號曰郢至王負劉為素所滅竝行屠城父隨劉賈及齊薛州楚考烈王二十二年徙九江郡至此為廬壽壽豫等州之地

梁諸侯皆大會其追項王十二月項王至垓下按是高岡觀廉之稱沛故縣之聚邑

名在亳州真源縣東十里今晉高三四丈補舊城下在今鳳陽府虹縣西五十里。城音該漢音父以兵少食盡

來挑戰齊王信將三十萬自當之孔將軍居左費將軍居右漢王

在後周勃柴將軍在漢王後項羽之卒可十萬齊王先合不利却

孔將軍費將軍縱楚兵不利齊王信復乘之遂大敗於垓下漢軍

及諸侯兵圍之數重項王夜聞漢軍四面皆楚歌爾魯漢既得九江兵故多楚歌

小說家以爲張良之計理或有之乃大驚曰漢皆已得楚乎是何楚人之多也則

夜起飲帳中有美人名虞常幸從駿馬名騅常騎之蒼白騅毛曰騅孔穎達曰

騅毛是體有二種之於是項王乃悲歌慷慨自爲詩曰力拔山兮

氣蓋世時不利兮騅不逝騅不逝兮可奈何虞兮虞兮奈若何歌

數闕美人和之爾錄其辭曰漢兵已略地四面楚歌聲大王意氣盡幾妾何聊生遂先自刎於項

王之前項王泣數行下左右皆泣莫能仰視於是項王乘其駿馬

麾下壯士騎從者八百餘人直夜潰圍南出馳走平明漢軍乃覺

之令騎將灌嬰以五千騎追之項王渡淮騎能屬者纔百餘人至

陰陵班志陰陵縣屬九江郡括地志陰陵故城在濠州定遠縣西北六十里迷失道問一田父田父

給曰左左乃陷大澤中以故漢追及之帛書待上聲項王乃復引兵而

東至東城班志東城縣屬九江郡括地志東城故城在定縣東南五十里乃有二十八騎漢騎追

者數千人項王自度不得脫謂其騎曰吾起兵至今八歲矣身七

十餘戰未嘗敗北遂霸有天下然今卒困於此此天之亡我非戰

之罪也今日固決死願為諸君銑戰必潰圍斬將刈旗三勝之令

諸君知天亡我非戰之罪也臣正決戰原本誤作快乃分其騎因

四圍山為圍陳外越漢軍圍之數重項王謂其騎曰吾為公取彼

一將令四面騎馳下期山東為三處於是項王大呼馳下漢軍皆

披靡遂斬漢一將是時郎中騎楊喜追項王項王瞋目而叱之喜人馬俱驚辟易數里

辟易謂開張而易其放處

項王與其騎會為三處漢軍不

知項王所在乃分軍為三復圍之項王乃馳復斬漢一都尉殺數

十百人復聚其騎亡其兩騎耳乃謂其騎曰何如騎皆服曰如大

王言

臣正皆服史記元作皆伏今改從漢書

於是項王欲東渡烏江

臣瓚曰烏江在牛渚索隱曰晉

初陽臨淮郡括地志烏江亭卽和州烏江縣是也水經曰江水又北得黃律口漢書所謂烏江亭長檣船待項王卽此地余據烏江

篇在今和州烏江縣東五十里卽亭長檣船待項處○蘇音擬

烏江亭長檣船待

如清曰南方謂整船向岸曰檣

謂項王曰江東雖小地方千里眾數十萬人亦足王也願大王急

渡今獨臣有船漢軍至無以渡項王笑曰天之亡我我何渡爲且

籍與江東子弟八千人渡江而西今無一人還縱江東父兄憐而

王我我何面目見之縱彼不言籍獨不愧於心乎乃謂亭長曰吾

知公長者吾騎此馬五歲所當無敵嘗一日行千里不忍殺之以

賜公令騎皆下馬步行持短兵接戰獨籍所殺漢軍數百人身亦

被十餘創顧見漢騎司馬呂馬童曰若非吾故人乎馬童面之晏

曰以故人難親新之故背之也如淳曰面謂不正現也師古曰如說非面謂背之不向也而籍亦反背而襲之杜元凱以為但見其面非也賈父曰面之直向之耳補註馬童面之者謂去背示之以面也註所云云恐俱未安 指示中郎騎王翳

曰此項王也項王乃曰吾聞漢購我頭千金邑萬戶吾為若德

為汝自刎乃自刎而死王翳取其頭餘騎相蹂踐爭項王相殺者

數十人最其後楊喜呂馬童及郎中呂勝楊武各得其一體五人

其會其體皆是故分其地封五人皆為列侯

呂馬童封中水侯王勝封杜衍侯楊喜封赤泉侯楊武封吳防侯呂勝封涅陽侯正分其地元本作分其戶 楚地悉定獨魯不下

秦魯縣屬薛郡項羽初封漢王引天下兵欲屠之至其城下猶聞絃誦之聲

備考魯地瀕洙泗之

水有聖人之教化其民步渡者扶老而代其任陷既益薄長老不自安與幼少相讓故曰得道衰涖涖之間斷斷如也及其去聖久遠周公遺化銷微孔氏庠序衰壞地應民眾頗有桑麻之業無林澤之饒俗儉嗇愛財趨商賈奸訐毀多巧偽喪祭之禮文僨實寡然其好學爲其守禮義之國爲主死節乃持項王頭以示魯父翁忿於他俗

兄魯乃降漢王以魯公禮葬項王於穀城朱白曰宋州穀熟縣古穀城也漢於此置薄縣

又改爲穀陽縣考述征記項羽墓在穀城西北三里半許毀壞有石碣云項王之墓親爲發哀哭之而去

諸項氏枝屬皆不誅封項伯等四人皆爲列侯賜姓劉氏諸民略在楚者皆歸之

司馬遷曰吾聞之周生曰舜目蓋重瞳子又聞項羽亦重瞳子羽豈其苗裔耶何興之暴也夫秦失其政陳涉首難豪傑蠭起相與並爭不可勝數然羽非有尺寸乘勢起隴晦之中三年遂將五諸侯滅秦分裂天下而封王侯政由羽出號爲霸王位雖

不終近古以來未嘗有也及羽背關懷楚背關懷楚言羽棄背關中之形勝而懷鄉

楚放逐義帝而自立怨王侯叛已難矣自矜功伐奮其私智而

不師古謂霸王之業欲以力征經營天下五年卒亡其國身死

東城尙不覺悟而不自責過矣乃引天亡我非用兵之罪也豈

不謬哉

楊子法言或問楚敗垓下方死曰天也諒乎曰漢屈羣策羣策

屈羣力諒信也楚燬羣策而自屈其力敬惡也。燬音兌又音預屈人者克

自屈者負天曷故焉

漢王還至定陶班志定陶縣屬濟陰郡古之陶邑宋爲廣濟軍理所馳入齊王信壁奪其軍

臨江王共尉不降共敖項羽封爲臨江王尉其子也遣盧綰劉賈擊虜之春

正月下令曰楚地已定義帝無後欲存卹楚眾以定其主齊王信

習楚風俗更立爲楚王王淮北都下邳魏相國建城侯彭越勤勞
魏民卑下士卒常以少擊眾數破楚軍其以魏故地王之號曰梁
王都定陶又令曰兵不得休八年萬民與苦甚今天下事畢其赦
天下殊死以下

殊死死罪之明白也韋昭曰殊死斬刑也師古曰殊絕也異也言其身首離絕而異處

諸

侯王皆上疏曰楚王韓信韓王信淮南王英布梁王彭越故衡山
王吳芮趙王張耳燕王臧荼昧死再拜言大王陛下先時秦爲無
道天下誅之大王先得秦王定關中於天下功最多存亡定危救
敗繼絕以安萬民功盛德厚又加惠於諸侯王有功者使得立社
稷地分已定而位號比擬無上下之分大王功德之著於後世不
宣昧死再拜上皇帝尊號漢王曰吾聞帝賢者有也空言虛語非
所守也吾不敢當帝位羣臣皆曰大王起微細誅暴逆平定四海

有功者輒裂地而封爲王侯大王德施四海諸侯王不足以道之

居帝位實宜漢王三讓不得已曰諸君必以爲便便國家於是諸

侯王及大尉長安侯綰等三百人與博士稷嗣君叔孫通謹擇良

日乃以二月甲午王卽皇帝位於汜水之陽張晏曰汜水在濟陰界取其汎愛夫大而

謂下也師古曰據叔孫通傳爲皇帝於定陶則此水在濟陰是也括地志漢高祖卽位壇在曹州濟陰縣界更王后曰

皇后太子曰皇太子追尊先媼曰昭靈夫人師古曰媼女老稱附

姓但曰劉媪而已索隱曰貞嘗打得班固泗水亭長古碑云高祖

母溫氏其字甚分明至晉開運二年進唐書表云頻分溫媼之款

乃懼魯魚之謬則媼字乃溫字之誤也然言溫則不立又冠之以

劉今亦存疑而已陳留風俗傳云沛公起兵野戰喪皇龍於黃鄉

天下平定乃使使者梓宮招魂幽野有丹蛇在水躍入於梓宮其

洛處仍有遺髮因作圖陵寢廟司馬門僮僕衛守小黃有祭器還

豆鼎俎之屬十四詔曰如前曰詔告也自秦漢以下惟天子獨稱

極廟基尙存焉制書三曰詔書四曰議敕策書者編簡也其制長二尺短者半之

策書起年月日稱皇帝以命諸侯王三公以罪免亦賜策而以錄

書用尺一木兩行此爲異也制書帝者制度之命其文曰制詔三公皆璽封尚書令印重封露布州郡也詔書詔告也其文曰告某官如故事詠較謂較刺史太守故衡山王吳芮從百粵之兵佐諸其文曰有詔敕某官他皆倣此

侯誅暴秦有大功諸侯立以爲王項羽侵奪之地謂之番君其以芮爲長沙王又曰故粵王無諸世奉粵祀秦侵奪其地使其社稷不得血食諸侯伐秦無諸身率閩中兵以佐滅秦項羽廢而弗立

今以爲閩粵王王閩中地粵王無諸句踐之後秦取其地置閩中郡今復以封之師古曰閩越今泉州建安是其地徐廣曰今建安侯官地史記正義曰今閩州

又改爲福師古曰閩人本蛇種故其字從虫。閩音民 帝西都洛陽 夏五月兵皆罷歸家 詔民前或相聚保山澤不書名數

今天下已定令各歸其縣復故爵田宅復還也吏以文法教訓辨告

師古曰辨告者分別義理以曉喻之勿笞辱民以饑餓自賣爲人奴婢者皆免爲庶

人軍吏卒爵及七大夫以上皆令食邑臣瓚曰秦制列侯乃得食邑今七大夫以上皆食邑

所以寵之也師古曰七大夫公非七大夫已下皆復其身及戶勿

事師古曰復其身及一父曰七大夫公乘以上皆高爵也諸侯子

及從軍歸者甚多高爵吾數詔吏先與田宅及所當求於吏者亟

與爵或人君上所尊禮久立吏前曾不為決甚無謂也異日秦民

爵公大夫以上令丞與抗禮今吾於爵非輕也吏獨安取此其令

諸吏善遇高爵稱吾意且廉問有不如吾詔者以重論之帝置

酒洛陽南宮括地志南宮在洛州洛陽縣東北二十六里上曰榮

洛陽故城中輿地志秦時洛陽已有南北宮曰上者尊位所在也但言上者不敢言尊號耳徹侯諸將毋敢隱朕皆言其情徹通也應

功德通於王室也後漢武帝諱改曰通侯亦曰列侯吾所以有天下者何項氏之所以失天

下者何高起王陵對曰陛下使人攻城畧地因以與之與天下同

其利項羽不然有功者害之賢者疑之此其所以失天下也上曰

公知其一未知其二夫運籌帷幄之中決勝千里之外吾不如子房填國家撫百姓給餉餽不絕糧道吾不如蕭何連百萬之眾戰必勝攻必取吾不如韓信三者皆人傑吾能用之此吾所以取天下者也項羽有一范增而不能用此所以爲我禽也羣臣說服

韓信至楚召漂母賜千金召下鄉南昌亭長賜百錢曰公小人也

爲德不至召辱已少年今出跨下者以爲中尉告諸將相曰此壯士也方辱我時我甯不能殺之邪殺之無名故忍而就此 彭越

既受漢封田橫懼誅與其徒屬五百餘人入海居島中

海中山曰島史記正

義曰海州東海縣有島山去岸八十里余按北史楊楨避讓東入田橫島是島以橫居之而得名

帝以田橫兄弟

本定齊地齊賢者多附焉今在海中不取後恐爲亂乃使使赦橫罪召之橫謝曰臣烹陛下之使鄒生今聞其弟商爲漢將臣恐懼

不敢奉詔請為庶人守海島中使還報帝乃召衛尉鄭商曰

班表衛尉

秦官掌宮門衛屯兵

齊王田橫卽至人馬從者敢動搖者致族夷乃復使使

持節具告以詔商狀

周禮司節掌守邦節辨其用以輔王命註云節者執以行為信邦節珍圭牙璋穀圭琬圭

琬圭也守邦國用玉節以玉爲之守都鄙用角節以角爲之邦國之使節用金關門之節用符貨賄之節用璽道路之節用旌審此則古之所執以爲信者皆謂之節自秦以來有璽符節則璽自璽符自符節自節分爲三矣漢之節卽古之旌節也鄭氏註以符節爲漢宮中諸官詔符璽節爲漢之印章旌節爲漢使者所持節則知漢所謂節蓋古之旌節也賢曰節者所以爲信以竹爲之柄長八尺以旄牛尾爲之旛三重此漢制也曰田橫來大者王小者乃侯耳不來且舉兵

加誅焉橫乃與其客二人乘傳詣洛陽

如清曰馴馬高足爲置傳中足爲馳傳下足爲乘傳

一馬二馬爲軺傳急者乘一乘傳師古曰蓋今之驛古者以車謂之傳車其後單臂馬謂之驛驛漢律諸常乘傳及發駕置傳者皆許尺五寸木傳信封以御史大夫印羣其乘傳參封之參三也有期會累封兩端端各兩封凡四封乘置驛傳五封之兩端各二中夾一軺傳兩馬再封之一馬一封以馬爲軺車而乘傳曰一封軺傳史始所謂依乘符傳而行者本此但擇焉而不精語焉而不詳

耳終不若顏說簡而明。○韜音遙又音韻備考王世貞曰乘傳詣洛陽如消註云云然漢書於傳皆稱乘不如是分別也不然文帝從代來卽位亞夫自太尉南討止云未至三十里至尸鄉廢置乘傳此豈小緩事耶而四馬下足也日尸鄉在偃師城西臣瓚曰案廢置謂置馬以傳驛者橫謝使者曰人臣見天子當洗沐因

止留謂其客曰橫始與漢王俱南而稱孤今漢王爲天子而橫乃爲亡虜北而事之其恥固已甚矣且吾烹人之兄與其弟併肩而事主縱彼畏天子之詔不敢動我獨不媿於心乎且陛下所以欲見我者不過欲一見吾而貌耳今斬吾頭馳三十里開形容尙未能敗猶可觀也遂自剄令客奉其頭從使者馳奏之帝曰嗟乎有以也夫起自布衣兄弟三人更王豈不賢哉爲之流涕而拜其二客爲都尉發卒二千人以王者禮葬之

史記正義曰田橫墓在偃師西十五里既葬

二客寶其冢傍孔皆自剄下從之帝聞之大驚以橫客皆賢餘五

百人尙在海中使使召之至則聞田橫死亦皆自殺於是乃知田橫兄弟能得士也 初楚人季布爲項籍將數窘辱帝項籍滅帝購求布千金敢有舍匿罪三族布先匿濮陽周氏周氏曰漢購將軍急迹且至臣家將軍能聽臣臣敢獻計卽不能願先自剄布許之迺髡鉗季布衣褐衣置廣柳車中并與其家僮數十人之魯朱家所賣之朱家心知其季布也買置田舍餼其子曰田事聽此奴必與同食身之洛陽見滕公說曰季布何罪臣各爲其主用職耳項氏臣豈可盡誅耶今上始得天下而以私怨求一人何示不廣也且以季布之賢漢求之急此不北走胡南走越耳夫忌壯士以資敵國此伍子胥所以鞭荆平之墓也君何不從容爲上言之滕公待閒言於止如朱家指上乃赦布召拜郎中朱家遂去終身不

復見布朱家者魯人也魯人皆以儒教而朱家用俠聞所藏活豪
士以百數其餘庸人不可勝言然終不伐其能歆其德諸所營施
惟恐見之振人不贈先從貧賤始家無餘財衣不完采食不重味
乘不過藁車藁音勾專趨人之急甚己之私自關以東莫不延頸願
交焉楚田仲以俠聞喜劒父事朱家自以爲行弗及也布母弟丁
公亦爲項羽將逐帝彭城西短兵接帝急願謂丁公曰兩賢豈
相戾哉丁公名固丁公引兵而還及項王滅丁公謁見帝以丁公徇軍
中徇行示也曰丁公爲項王臣不忠使項王失天下者也遂斬之曰使
後爲人臣無倣丁公也

臣光曰高祖起豐沛以來罔羅豪傑招亡納叛亦已多矣及卽
帝位而丁公獨以不忠受戮何哉夫進取之與守成其勢不同

當羣雄角逐之際民無定主來者受之固其宜也及貴爲天子四海之內無不爲臣苟不明禮義以示之使爲臣者人懷貳心以微大利則國家其能久安乎是故斷以大義使天下曉然皆知爲臣不忠者無所自容而懷私結恩者雖至於活己猶以義不與也戮一人而千萬人懼其慮事豈不深且遠哉子孫享有天祿四百餘年宜矣

齊人婁敬茂隴西過洛陽脫輓轅

蘇林曰轅一木橫遮車前二人輓之三人推之

衣羊裘

因齊人虞將軍求見上虞將軍欲與之鮮衣婁敬曰臣衣帛衣帛見衣褐衣褐見終不敢易衣於是虞將軍入言上上召見問之婁敬曰陛下都洛陽豈欲與周室比隆哉上曰然婁敬曰陛下取天下與周異周之先自后稷封邰

班志邰縣屬右扶風師古曰卽今武功故城是史記正義曰雍州武

功縣西南二十三里故繁城是也說文曰帝炎帝之後姜姓所封
國乘外家也毛萇云帝姜姬國堯以天因紂而生后稷故因封之
於邰○積德累善十有餘世至於太王王季文王武王而諸侯自
歸之遂滅殷爲天子及成王卽位周公相焉乃營洛邑以爲此天
下之中也諸侯四方納貢職道里均矣有德則易以王無德則易
以亡凡居此者欲令務以德致人不欲依險阻令後世驕奢以虐
民也故周之盛時天下和洽諸侯四夷莫不賓服效其貢職及其
衰也天下莫朝周不能制也非惟其德薄也形勢弱也今陛下起
豐沛卷蜀漢定三秦與項羽戰滎陽成皋之間大戰七十小戰四
十使天下之民肝腦塗地父子暴骨中野不可勝數哭泣之聲未
絕傷夷者未起而欲比隆於成康之時臣竊以爲不侔也且夫秦
地被山帶河四塞以爲固卒然有急百萬之眾可立具也因秦之

故資甚美膏腴之地此所謂天府者也

府聚也萬物所聚謂之天府

陛下入關

而都之山東雖亂秦之故地可全而有也夫與人關不搯其亢拊

其背未能全其勝也

張晏曰蓋與項同促持之也亢喉嚨也

今陛下入關而都案秦

之故地此亦搯天下之亢而拊其背也帝問羣臣羣臣皆山東人

爭言周王數百年秦二世即亡洛陽東有成皋西有殽池

師古曰殽謂故

山今陝州東二穀山是也通即通池○通音免

倍河鄉伊洛

河在洛陽城北故曰倍伊洛二水在洛陽城南故曰鄉

其固亦足恃也上問張良良曰洛陽雖有此固其中小不過數百

里田地薄四面受敵此非用武之國也關中左殽函右隴蜀沃野

千里

師古曰沃者滋灌也言其土地皆有滋灌之利故曰沃野

南有巴蜀之饒北有胡苑之利

師古曰謂安定北地上郡之北與胡相接之地可以畜牧者也養禽獸謂之苑

阻三面而守獨以一面東

制諸侯諸侯安定河渭漕輓天下西給京師

漢漕關東之粟自河入渭自渭而上輸之

長諸侯有變順流而下足以委輸宋曰委即委積之輸此所謂金城

千里天府之國也裴敬說是也上即日車駕西都長安宿考秦地於禹貢時

勝雍梁二州詩風兼秦蜀兩國昔后稷封邰公劉處豳太王徙岐
文王作豐武王治鎬其民有先王遺風好稼穡務本業故幽詩言
農桑衣食之本甚脩有郭杜竹林南山檀栢號稱陸海爲九州膏
腴漢興立都長安徙齊諸田楚昭屈景及諸功臣家於長陵後世
世徙吏二千石高資富人及豪傑并兼之家於諸陵故五方雜錯
風俗不純其世家則好禮文富人則商賈爲利豪傑則游俠通姦
豫南山近夏陽多險阻輕難易爲盜賊常爲天下劇又郡國編桑
浮食者多民去本就末列侯貴人車服僭上衆庶倣效羞不相及
嫁娶尤崇侈靡送死過度天水隴西山多林木民以板爲室屋及
安定北地上郡西河皆迫近戎狄修習戰備高尚氣力以射獵爲
先故秦詩曰在其板屋又曰王于興師脩我甲兵與子偕行及車
轡四載小戎之篇皆言車馬田狩之事漢興六郡良家子選給羽
林期門以材力爲官名將多出焉師古曰凡言車駕謂
天子乘車而行不敢指斥。錫音浩郭音戶數音臺 拜裴敬爲
郎中號曰奉春君賜姓劉氏

司馬遷曰語曰千金之裘非一狐之腋也蠶榭之積非一木之

校也三代之際非一士之智也信哉夫高祖起微細定海內謀計用兵可謂盡之矣然而劉敬脫輓輅一說建萬世之安智豈可專耶

六月壬辰大赦天下 秋七月燕王臧荼反上自將征之 趙景

王耳長沙文王芮皆薨

九月虜臧荼王子立太尉長安侯盧綰

爲燕王

班表太尉秦官掌武事漢制與丞相御史大夫爲三公應劭曰自上安下曰尉據史記盧綰傳長安故咸陽也正義

曰秦咸陽在渭北長安在渭南蕭何起未央宮之處

初綰親與太公相愛及生男上與盧綰

同日生里中持羊酒賀兩家及上與盧綰壯俱學書又相愛也里中嘉兩家親相愛生子同日壯又相愛復賀兩家羊酒上爲布衣時有吏事避匿盧綰常隨出入上下及上起沛綰以客從出入臥內衣被飲食賞賜羣臣莫敢望雖蕭曹等特以事見禮至其親幸

莫及盧綰也上已定天下諸侯非劉氏王者七人欲王盧綰爲羣臣缺望及虜臧荼乃下詔諸將相列侯擇可以爲燕王者羣臣知上意皆言盧綰功最多可王燕乃立綰爲燕王諸侯王得幸莫及也

初項王將利幾爲陳令以城降上侯之潁川上至洛陽召之

利幾恐遂反上自擊破之後九月治長樂宮

宮周迴二十里高祖改脩而居之在長安城東隅

楚王韓信初之國行縣邑陳兵出入

六年冬十月人有上書告楚王信反者帝以問諸將皆曰亟發兵阮豎子耳帝默然又問陳平陳平曰人上書言信反信知之乎曰不知陳平曰陛下精兵孰與楚上曰不能過平曰陛下諸將用兵有能過韓信者乎上曰莫及也平曰今兵不如楚精而將不能及舉兵攻之是趣之戰也竊爲陛下危之上曰爲之奈何平曰古

者天子有巡狩會諸侯

白虎通曰天子所以巡狩者何巡者循陞也狩者收也謂巡狩天下收人道德也

下第出偽遊雲夢會諸侯於陳陳楚之西界信聞天子以好出遊其勢必無事而郊迎謁謁而陛下因禽之此特一力士之事耳帝以爲然乃發使告諸侯會陳吾將南游雲夢上因隨以行楚王信聞之自疑懼不知所爲初項王將鍾離昧素與楚王信善項王死後亡歸信上怨昧聞其在楚詔信捕昧信未及捕也至是或說信曰斬鍾離昧以謁上上必喜無患信從之覓昧計事昧曰漢所以不擊取楚者以昧在公所也若欲捕我以自媚於漢吾今日死公亦隨手亡矣乃罵信曰公非長者卒自剄十二月上會諸侯於陳信持昧首謁上上令武士縛信載後車信曰果若人言狡兔死走狗烹高鳥盡良弓藏敵國破謀臣亡

師古曰黃石公三略之言

天下已定我固

當烹上曰人告公反遂械繫信以歸因下詔曰天下既安豪傑有功者封侯新立未能盡圖其功身居軍九年或未習法令或以其故犯法大者死刑吾甚憐之其赦天下田疇賀上曰陛下得韓信又治秦中如清曰山東人謂關中爲秦中秦形勝之國也帶河阻山地勢便利其以下兵於諸侯譬猶居高屋之上建瓴水也夫齊東有琅邪卽墨之饒南有泰山之固西有濁河之限北有勃海之利海有旁出爲勃橫在濟北地方二千里持戟百萬此東西秦也言齊地形勝與秦抗衡也非親子弟莫可使王齊者上曰善賜金五百斤上還至洛陽赦韓信封爲淮陰侯信知上畏惡其能多稱病不朝從居常鞅鞅羞與絳灌等列嘗過樊將軍噲噲跪拜送迎言稱臣曰大王乃可臨臣信出門笑曰生乃與噲等爲伍上嘗從容與信言諸將能將兵多少上問曰如我

能將幾何信曰陛下不過能將十萬上曰於君何如曰臣多多而益善耳上笑曰多多益善何爲爲我禽信曰陛下不能將兵而善將將此乃信之所以爲陛下禽也且陛下所謂天授非人力也

甲申始剖符封諸功臣爲徹侯

師古曰剖破也與之全符而剖分之也

蕭何封鄼侯

班志鄼縣屬南陽郡。鄼音贊地在南陽此蕭何所封也

所食邑

獨多

按班志功臣表蕭何封鄼八千戶而曹參封平陽張良封留皆萬戶宜不得言何封邑獨多蓋參以十二月甲申封何以

正月丙午封功臣言何居上其意不能平者特同日受封煥鄼縣離諸人耳張良亦以丙午封諸人言何而不言良者蓋高祖先使

良自擇齊三萬戶而良止受留萬戶故不敢言也

功臣皆曰臣等身被堅執銳多者百餘

戰少者數十合今蕭何未嘗有汗馬之勞徒持文墨議論顧反居

臣等上何也帝曰諸君知獵乎夫獵追殺獸兔者狗也而發縱指

示獸處者人也今諸君徒能得走獸耳功狗也至如蕭何發縱指

示功人也宜諸君獨以身從我多者三兩人蕭何舉宗數十人皆

隨我功不可忘也羣臣皆不敢言張良爲謀臣亦無戰國功帝使

自擇齊三萬戶良曰始臣起下邳與上會留此天以臣授陛下陛

下用臣計幸而時中臣願封留足矣不敢當三萬戶乃封張良爲

留侯陳平爲戶牖侯

戶牖鄉名屬陳留郡陽武縣徐廣曰陽武屬魏地戶牖今爲東魯縣屬陳留索隱曰陽武

屬魏而地理志屬河南郡蓋後勝武屬梁國耳

括地志東魯故城在汴州陳留縣東北九十里

平辭曰此非臣之功也上曰吾用先生謀戰勝克敵非功而何平曰非魏無知臣安

得進上曰若子可謂不背本矣乃復賞魏無知王既封功臣而獨

折隨何之功謂何爲腐儒爲天下安用腐儒隨何跪曰夫陛下引

兵攻彭城楚王未去齊也陛下發步卒五萬人騎五千能以取淮

南乎上曰不能隨何曰陛下使何與二十人使淮南至如陛下之

意是何之功賢於步卒五萬人騎五千也然而陛下謂何腐儒爲天下安用腐儒何也上曰吾方圖子之功乃以何爲護軍中尉張良素多病從上入關卽道引不食穀孟康曰道讀曰導服辟穀藥而靜居行氣杜門不出曰家世相韓及韓滅不愛萬金之資爲韓報仇彊秦天下振動今以三寸舌爲帝者師封萬戶侯此布衣之極於良足矣願棄人間事欲從赤松子遊耳師古曰赤松子仙人號也神農時爲雨師服水玉教神農能入火自燒至昆山上常止西王母石室隨風雨上下炎帝少女追之亦得仙俱去

臣光曰夫生之有死譬猶夜旦之必然自古及今固未有超然而獨存者也以子房之明辨達理足以知神仙之爲虛詭矣然其欲從赤松子遊者其智可知也夫功名之際人臣之所難處如高帝所稱者三傑而已淮陰誅夷蕭何繫獄非以燮盛滿而

不止耶故子房託於神仙遺棄人間等功名於外物置榮利而不顧所謂明哲保身者子房有焉

移置張良之欲從赤松子游通鑑本置之高祖五年拜婁敬爲郎中賜姓劉氏之下今觀良之言有封萬戶侯之語則良於時必已封侯故云然今按良之封也在六年安得於五年時豫言之哉故移置於此

帝以天下初定子幼昆弟少懲秦孤立而亡欲大封同姓以鎮撫天下春正月丙午分楚王信地爲二國以淮東五十三縣立從兄

將軍賈爲荆王

索隱曰乃王吳地在淮東也余據班史時以故東陽郡鄣郡吳郡五十三縣王賈東陽漢下邳地鄣

郡漢丹陽地吳郡卽會稽地蓋其地自淮東而南盡丹陽會稽也賈死後以其地王吳王濞故索隱云王吳地也如淳曰荆亦楚也賈遠曰秦莊襄王名楚故改曰荆遂行於世晉灼曰舊伐荆楚自秦之先固已稱荆索隱曰姚察按盧喜云總言荆者以山名國也今西南有荆山在陽羨界賈分封吳地而號以薛郡東海彭城三荆王指取此義太康地志陽羨縣本名荆溪

十六縣立弟文信君交爲楚王

薛郡漢之魯國東海秦之郯郡彭城後爲楚國蓋封交之時得三郡

地景武之後楚國
僅彭城數縣耳

交上同母弟也好書多材藝上起事使兄仲與

審食其留侍太公而交與蕭曹等俱從從入關至霸上封為文信

君及即帝位交與盧綰常侍上出入臥內傳言語諸內事隱謀故

封之王子以雲中鴈門代郡五十三縣立兄宜信侯喜為代王

喜之名以膠東膠西臨菑濟北博陽城陽郡七十三縣立微時外婦

之子肥為齊王

據此則博陽於秦楚漢兵爭之時亦嘗置郡矣自
淮東至此雜用古地名固不純用秦漢所置郡名

也諸民能齊言者皆以與齊上以韓王信材武所王北近鞏洛

南迫宛葉東有淮陽

韓之分晉其地南至宛葉西北包鞏洛接於
新安宜陽東有潁川而淮陽之地則屬於楚

及漢定天下韓王信副符王潁川其地東兼有淮

陽所謂北近南迫言其境相迫近耳不屬韓也皆天下勁兵處

乃以太原郡三十一縣為韓國徙韓王信王太原以北備禦胡都

晉陽信上書曰國被邊匈奴數入寇晉陽去塞遠請治馬邑

班志
太原

郡領二十一縣今以三十一縣爲韓國蓋定襄未置郡故太原之境北被邊塞有馬門之馬邑也晉太康地記曰秦時建此城韓崩不成有馬周奔走反覆父老與之因依以築城遂名馬邑杜佑曰秦馬邑城在朔州善陽縣界師古曰被指帶也上許之

上已封大功臣二十餘人其餘日夜爭功不決未得行封上在洛陽南宮從複道望見諸將往往相與坐沙中語上曰此何語謂侯曰陛下不知乎此謀反耳上曰天下屬安定何故反乎謂侯曰陛下起布衣以此屬取天下今陛下爲天子而所封皆故人所親愛所誅皆生平所仇怨今軍吏計功以天下不足徧封此屬畏陛下不能盡封恐又見疑平生過失及誅故卽相聚謀反耳上乃愛曰爲之奈何謂侯曰上平生所憎羣臣所共知誰最甚者上曰雍齒與我有故怨數嘗窘辱我我欲殺之爲其功多故不忍謂侯曰今急先封雍齒則羣臣人人自堅矣於是上乃置酒封雍齒爲什

方侯蘇林曰什方漢中縣也師古曰地理志屬廣漢非漢中也今則屬益州余按唐志什邡縣屬漢州蓋垂拱又分益州置漢州也宋白曰什邡縣舊治雍而急趣丞相御史定功行封公丞相齒無不總御史臣罷酒皆喜曰雍齒尙爲侯我屬無患矣大才掌副丞相

臣光曰張良爲高帝謀臣委以心腹宜其知無不言安有聞諸將謀反必待高帝自見偶語然後乃言之耶蓋以高帝初得天
下數用愛憎行誅賞或時害至公羣臣往往有觖望自危之心
獻音決故良因事納忠以變移帝意使上無阿私之失下無猜懼
之謀國家無戾利及後世若良者可謂善諫矣

列侯畢已受封詔定元功十八人位次師古曰謂蕭何曹參張敖周勃樊噲酈商奚卞消夏侯
嬰灌嬰傅寬靳歙王陵陳武王吸薛歐周昌丁復應連自第一至
十八也余謂此但定蕭何等元功十八人位次耳至呂后時乃詔
作高祖功臣位次凡一百四十餘人師古所謂自蕭何至應連十
八呂后所定位次也張敖於高祖九年始自趙王廢爲宜平侯

安得預元功十八人之數哉故師古註功臣位次云要耳及
數並爲無大功蓋以魯元之故呂后自升之耳此說則得之皆曰
平陽侯曹參身被七十創攻城略地功最多宜第一王已燒功臣

多封何至位次未有以復難之然心欲何第二謁者關內侯鄧

秋進曰羣臣議皆誤

關內侯位次列侯爵第十九師古曰言有侯號而居京畿無國邑

夫曹參雖

有野戰略地之功此特一時之利耳上與楚相距五歲失軍亡眾
跳身遁者數矣然蕭何常從關中遣軍補其處非上所詔令召而
數萬眾會上之乏絕者數矣又軍無見糧蕭何轉漕關中給食不
乏陛下雖數亡山東蕭何常全關中以待陛下此萬世之功也今
雖無曹參等百數何缺於漢漢得之不必待以全奈何欲以一旦
之功而加萬世之功哉蕭何第一曹參次之上曰善於是乃賜蕭
何帶劔履上殿入朝不趨

古者君子必帶劔所以衛身且昭武備也秦法羣臣上殿不得持尺寸之兵草

曰辟竇曰履皮曰履屨履所以從軍軍容不入國故皆不許以上殿君前必趨崇敬也今賜何劭殿上殿入朝不趨殊違也

曰吾聞進賢受上賞蕭何功雖高得鄂君乃益明於是因鄂千秋所食邑封爲安平侯是日悉封何父子兄弟十餘人皆有食邑益封何二千戶初上微時以吏繇咸陽吏皆送奉錢三蕭何獨以五至是論功以賞旣以八千戶封何爲鄼侯矣又復益封何二千戶者以繇咸陽時何送我獨贏奉錢二也 上歸櫟陽 夏五月丙午尊太公爲太上皇王五日一朝太公太公家令說太公曰天無二日土無二王皇帝雖子人主也太公雖父人臣也奈何令人主拜人臣如此則威重不行後上朝太公擁彗上大驚下扶太公太公曰帝人主奈何以我亂天下法於是上心善家令言賜黃金五百斤乃下詔曰人之至親莫親於父子故父有天下傳歸於子子

有天下母歸於父此人道之極也前日天下大亂兵革竝起萬民
苦殃朕親被堅執銳自帥士卒犯危難平暴亂立諸侯偃兵息民
天下大安此皆太公之教訓也諸王通侯將軍羣卿大夫已尊朕
爲皇帝而太公未有號今上尊太公曰太上皇太上皇居長安深
宮悽愴不樂上竊因左右問其故左右對曰太上皇平生所好皆
屠販少年酤酒賣餅鬪雞蹴鞠今皆無此故不樂上乃於驪邑營
作新宮如舊豐移諸故人實之太上皇乃悅上少時嘗祭汾榆之
社及改新宮亦還立焉衢巷棟宇物色惟舊士女老幼相攜路首
各知其室放犬羊雞鴨於通塗亦競識其家 初匈奴畏秦北徙
十餘年及秦滅匈奴復稍南渡河單于頭曼有太子曰冒頓後有
所愛閼氏

匈奴之閼氏猶中國之皇后。冒頓
音曠冒頓音墨矣閼氏音煙支

生少子頭曼欲立之

是時東胡強而月氏盛乃使冒頓質於月氏既而頭曼急擊月氏

月氏欲殺冒頓冒頓盜其善馬騎之亡歸頭曼以爲壯令將萬騎

冒頓乃作鳴鏑

應劭曰鏑箭也韋昭曰矢鏑飛則鳴余見今軍中亦有鳴鏑於近等之處開小竅矢飛則凌風而鳴

○曉音齒箭

音楚又音可習勒其騎射令曰鳴鏑所射而不悉射者斬之冒頓

行獵鳥獸有不射鳴鏑所射者輒斬之已而以鳴鏑自射其善馬

左右或不敢射冒頓立斬不射善馬者居頃之復以鳴鏑自射其

愛妾左右或頗恐不敢射冒頓復斬之最後以鳴鏑射單于善馬

左右皆射之於是冒頓知其可用從頭曼獵以鳴鏑射頭曼其左

右亦皆隨鳴鏑而射遂殺頭曼盡誅其後母與弟及大臣不聽從

者冒頓自立爲單于冒頓既弑父自立乃創爲制度歲正月諸酋

長小會單于庭祠五月大會龍城祭其先天地鬼神秋馬肥大會

踰林謀校人畜

踰音帶同奴會祭處又云楚林木而祭也

其法拔刃尺者死坐盜者沒

入其家有罪小者輒大者死獄久者不過十日一國之囚不過數人單于朝出營拜日之始生夕拜月其坐長左而北向日上戊己其送死有棺槨金銀衣裘而無封樹喪服近幸臣妾從死者多至數千百人舉事則候星月月盛壯則攻戰月虧則退兵其攻戰斬首虜賜一杯酒而所得鹵獲因以予之得人以爲奴婢故其戰人自爲趨利善爲誘兵以冒敵故其見敵逐利如鳥之集其困敗則瓦解雲散矣東胡聞冒頓立乃使使謂冒頓欲得頭曼時千里馬冒頓問羣臣羣臣皆曰此匈奴寶馬也勿與冒頓曰奈何與人鄰國而愛一馬乎遂與之居頃之東胡又使使謂冒頓欲得單于一闕氏冒頓復問左右左右皆怒曰東胡無道乃求闕氏請擊之

冒頓曰奈何與人鄰國愛一女子乎遂取所愛閼氏子東胡東胡王愈益驕東胡與匈奴中間有棄地莫居千餘里各居其邊為甌

脫

服虔曰甌脫作土室以何也師古曰塢上候望之處若今之伏宿處也

東胡使使謂冒頓此棄地

欲有之冒頓問羣臣羣臣或曰此棄地予之亦可勿與亦可於是

冒頓大怒曰地者國之本也奈何予之諸言予之者皆斬之冒頓上馬令國中有後出者斬遂襲擊東胡東胡初輕冒頓不為備冒

頓遂滅東胡既歸又西擊走月氏南并樓煩白羊河南王

師古曰樓煩白

羊二王之居在河南

遂侵燕代悉復收蒙恬所奪匈奴故地與漢關故河南

塞至朝那膚施

班志朝那縣屬安定郡膚施縣屬上郡史記正義曰漢朝那故城在原中百泉縣西七十里膚施縣

趙置秦因而不改今屬延州

是時漢兵方與項羽相距中國罷於兵革以故冒

頓得自彊控弦之士三十餘萬威服諸國

通鑑匈奴者夏后氏之苗裔其始祖曰黃帝

漢雖至頭曼千有餘歲時大時小別散分離世傳不可得而次至
冒頓而匈奴始大盡服從北夷而南與中國爲敵其世傳官號乃
可得而紀秋匈奴圍韓王信於馬邑信數使使胡求和解漢發兵救之

疑信數間使有二心帝賜信書曰專死不勇專生不任寇攻馬邑
君王力不足以堅守乎安危存亡之地此二者朕所以責於君王

信得書恐誅九月以馬邑降匈奴匈奴冒頓因引兵南踰句注郡

志句注山險名在雁門陰館縣居地志句注山在代州鴈門縣西北三十里杜佑曰句注山即代州鴈門縣西陲嶺攻太原

至晉陽 帝悉去秦苛儀法爲簡易羣臣飲酒爭功醉或妄呼拔

劍擊柱帝益厭之初叔孫通之亡避秦也去之薛薛已降楚矣通

乃事項梁梁敗於定陶通乃事懷王懷王弑通又畱事項王及上

從五諸侯入彭城通乃降漢上敗而西因竟從漢通儒服上憎之

通乃變其服服短衣楚製上乃喜拜爲博士號稷嗣君而通亦未

有所言也及是知朝儀未立思有以定之乃說上曰夫儒者難與
進取可與守成臣願徵魯諸生與臣弟子共起朝儀帝曰得無難
乎叔孫通曰五帝異樂三王不同禮禮者因時世人情爲之節文
者也臣願頗采古禮與秦儀雜就之上曰可試爲之令易知度吾
所能行者爲之於是叔孫通使徵魯諸生三十餘人師古曰魯爲
使者而徵魯
諸生魯有兩生不肯行曰公所事者且十主皆面諛以得親貴今天
下初定死者未葬傷者未起又欲起禮樂禮樂所由起積德百年
而後可興也吾不忍爲公所爲公去矣無汗我叔孫通笑曰若真
鄙儒也不知時變遂與所徵三十人西師古曰
西入關及上左右爲學者
師古曰左右謂近臣與其弟子百餘人爲縣葦野外習之應劭曰
立竹及
茅索營之習禮儀其中也如淳曰謂以茅剪樹地爲纂位尊卑之
次也春秋傳曰置茅莖師古曰莖與葦同如說是韋昭曰引繩爲

立表為證賈逵曰宋茅以立表位為範其文曰範今之某字。
嚴音秦辭反讀如萃又將遂反即讀為最又子悅反讀如絕範最
字本一月餘言於上曰可試觀矣上使行禮曰吾能為此乃令羣臣

習肄

七年冬十月長樂宮成諸侯羣臣皆朝賀

時未起未央宮故前
御長樂宮受朝賀及

蕭何既起未央前殿自惠帝以後皆御
未央而長樂為太后所居謂之東朝

先平明

師古曰未
平明之前

謁者治

禮以次引入殿門廷中陳車騎步卒衛宮設兵張旗幟傳言趨殿

下郎中俠陛陞數百人功臣列侯諸將軍軍吏以次陳西方東鄉

文官丞相以下陳東方西鄉大行設九賓臚句儻

上傳語告下為
臚下傳語告上

為於是皇帝傳警

漢儀云帝輦動則左右侍帷幄者稱警是也
漢書音義天子出稱警傳警而唱以警外也

出房

沈約曰輦車周禮王后五路之卑者也后從容宮中所乘非
王車也漢制乘輿御之或使人載或駕果下馬不知何代去

其輪引諸侯王以下至吏六百石

漢吏六百石銅印
墨綬奉月七十斛

以次奉賀莫不

振恐肅敬至禮畢復置法酒

禮畢謂朝禮畢也師古曰法酒猶言盡言謂不飲之至醉

諸侍坐

殿上皆伏抑首以尊卑次起上壽賜九行謁者言罷酒御史執法

舉不如儀者輒引去

執法即御史也杜佑曰御史之名周官有之蓋掌贊書而授法令非今任也戰國時亦有

御史秦趙淹池之會各令書其事秦漢爲糾察之任秦以御史監郡漢初定禮儀御史執法舉不如儀者輒引去是也

賁朝

置酒無敢譴譁失禮者於是帝曰吾乃今日知爲皇帝之貴也乃

拜叔孫通爲太常

班志奉常秦官掌宗廟禮儀景帝中六年改賜曰太常此不害奉常而書太常者使人易知賜

金五百斤通之降漢也從弟子百餘人然通無所言進專言諸故

羣盜壯士進之弟子皆竊罵曰事先生數歲幸得從降今不能進

臣等專言大猶何也通聞之乃謂曰漢王方蒙矢石爭天下諸生

甯能關乎故先言斬將奪旗之士諸生且待我我不忘矣至是乃

進言諸弟子隨臣久矣與臣共爲儀願陛下官之帝悉以爲郎通

又以所賜五百斤金盡分賜諸生諸生乃皆喜曰叔孫生誠聖人也知當世之務初秦有天下悉內六國禮儀采擇其尊君抑臣者存之及通制禮頗有所增損大抵皆襲秦故自天子稱號下至佐僚及宮室官名少所變改其書後與律令同錄藏於理官法家又復不傳民臣莫有言者焉

司馬遷曰叔孫通希世度務制禮進退與時變化卒爲漢家儒宗大直若誦道固委蛇蓋謂是乎

臣光曰禮之爲物大矣用之於身則動靜有法而百行備焉用之於家則內外有別而九族睦焉用之於鄉則長幼有倫而俗化美焉用之於國則君臣有敘而政治成焉用之於天下則諸侯順服而紀綱正焉豈直几席之上戶庭之間得之而不亂哉

夫以高祖之明達聞陸賈之言而稱善睹叔孫之儀而嘆息然所以不能比肩於三代之王者病於不學而已當是之時得大儒而佐之與之以禮爲天下其功烈豈若是而止哉惜夫叔孫生之器小也徒竊禮之糠粃以依世諧俗取寵而已遂使先王之禮淪沒而不振以迄於今豈不痛甚矣哉是以楊子譏之曰昔者曾有大臣史失其名曰何如其大也曰叔孫通欲制君臣之儀召先生於魯所不能致者二人曰若是則仲尼之開迹諸侯也非邪曰仲尼開迹將以自用也朱咸曰謂開布其迹於諸侯之國猶言歷聘也如委己而從人雖有規矩準繩焉得而用之善乎楊子之言也夫大儒者惡冒毀其規矩準繩以趨一時之功哉

封兄子信爲羹頡侯止兄弟四人長兄伯次兄仲與弟交伯早卒

上微時嘗避事時時從賓客過巨嫂食嫂厭叔與客俱來陽爲羹

盡轅釜轅音遼也賓客以故去已而視釜中尚有羹上由此怨其

嫂及即位封昆弟而伯子獨不得封太上皇以爲言上曰臣非忘

之也以其母不長者耳至是乃始得封而猶以羹頡爲名上自

將擊韓王信破其軍於銅鞮班志銅鞮縣屬上黨郡上黨記晉銅鞮伯華所邑去銅鞮故宮二十里唐

潞州宋白曰縣有銅鞮水故名。晉音提斬其將王喜信亡走匈奴白土人曼巨臣

王黃等立趙苗裔趙利爲王班志白土縣屬上郡括地志白土故城在鹽州白池東北九十里又云近

延州余據班志圖水出白土縣西東入河師古曰圖音銀今銀州

銀水是則白土縣在唐銀州界按圖字乃圖字之誤通典圖水在

銀州儒林縣東北今謂之無定河師古復收信敗散兵與信及匈

奴謀攻漢匈奴使左右賢王將萬餘騎與王黃等屯廣武以南至

晉陽班史匈奴置左右賢王左右谷蠡王最爲大國班志廣武縣屬太原郡史記正義廣武故城在代州馬門界句注山南村

祐曰代州屬門郡治屬門縣漢廣武縣故城在西南宋白曰隋改廣武縣爲屬門避太子諱也補註廣武故城在太原府代州西十里漢兵擊之匈奴輒敗走已復屯聚漢兵乘勝追之會天大寒雨

雪士卒墮指者什二三補註北方寒極血凝成冰故觸之而指墮上居晉陽聞冒頓居

代谷

史記正義曰代谷今鵠州余按唐鵠州在幽州西北此代谷在句注之北後魏都平城建爲代都蓋因代谷而名也唐屬

雲州

欲擊之使人覘匈奴

覘音參又去聲

冒頓匿其壯士肥牛馬但見老

弱及羸畜使者十輩來皆言匈奴可擊上復使劉敬往使匈奴未

還漢悉兵三十二萬北逐之賈注劉敬還報曰兩國相擊此宜

夸矜見所長今臣往徒見羸瘠老弱此必欲見短伏奇兵以爭利

愚以爲匈奴不可擊也是時漢兵已業行

凡事已爲而未成曰業

上怒罵劉

敬曰齊虜以口舌得官今乃妄言沮吾軍械繫敬廣武帝先至平

城兵未盡到冒頓縱精兵四十萬騎圍帝於白登七日

班志平城縣屬屬門

郡服虔曰白登臺名去平城七里師古曰白登在平城東南去平城十餘里括地志朔州定襄縣本漢平城縣東北三十里有白登山山上有臺名曰白登臺補註平城在今大漢兵中外不得相救同府城東五里白登山在大同府城東七里漢兵中外不得相救餉甯錫先是有月暈圖於鼎參畢七重本志以爲鼎畢之圖爲天帝用陳平秘計使使閭厚遺閼氏應劭曰陳平使畫工圖美女開帝因急欲獻之閼氏畏其奪已寵言於冒頓令解遺閼氏曰漢有美女如此今皇國余謂秘計者以其失中國之體故秘而不傳關氏謂冒頓曰兩主不相困今得漢地而單于終非能居之也且漢主亦有神靈單于察之冒頓與王黃趙利期而黃利兵不來疑其與漢有謀乃解圍之一角會天大霧漢使人往來匈奴不覺陳平請令彊弩傳兩矢外鄉師古曰每一弩而加從解角直出帝出圍欲驅太僕摩公周徐行至平城漢大軍亦到胡騎遂解去漢亦罷兵歸令樊噲止定代地上至廣武赦劉敬曰吾不用公言以困平城吾皆已斬

而使十輩矣乃封敬二千戶為關內侯號為建信侯帝南過曲逆

班志曲逆縣屬中山國張晏曰濡水出城北曲而西流故曰曲逆後漢章帝覽其名改為蒲陰杜佑曰中山郡北平縣秦曲逆縣後

漢蒲陰縣蒲陰曲逆今保定府完縣二字本當如字讀有讀作去遇者非曰壯哉縣吾行天下獨見洛

陽與是耳乃更封陳平為曲逆侯盡食之平從帝征伐凡六出奇

計輒益封邑焉 十二月上還過趙趙王敖執子增禮甚卑敖尚

魯元公主故上箕倨慢罵之師古曰箕倨者謂伸兩脚執子增禮趙相貫高

趙午等皆怒也賈姓曰吾王辱王也孟康曰冀州謂懦弱者為辱。屏善殘乃說王曰

天下豪傑並起能者先立今王事帝甚恭而帝無禮請為王殺之

張敖張敖其指出血曰師古曰張指出血以表至誠誓不肯漢君何言之誤先人亡國

賴帝復得國德流子孫秋毫皆帝力也微陛下臣等當盡出願君

無復出口貫高趙午等皆相謂曰乃吾等非也吾王長者不倍德

且吾等義不辱今帝辱我王故欲殺之何滂王爲事成歸王事敗

獨身坐耳

匈奴攻代代王齊樂國自歸赦爲邵陽侯

班志邵陽侯屬左

謝詩所謂在邵之陽者也其故城在同州西縣南三十里。邵音合

辛卯立皇子如慧爲代王

春令郎中有罪彰以上請之民產子復勿事二歲

二月上至

長安蕭何治未央宮

未央宮在長安城西南隅周回二十里東距長樂宮一里中隔武庫

上見其

壯麗甚怒謂何曰天下匈匈勞苦數歲成敗未可知是何治宮室過度也何曰天下方未定故可因以就宮室且夫天子以四海爲家非壯麗無以重威且無令後世有以加也上說

臣光曰王者以仁義爲麗道德爲威未聞其以宮室填服天下也天下未定當克已節用以趨民之急而顧以宮室爲先豈可謂之知所務哉昔禹卑宮室而桀爲傾宮創業垂統之君躬行

節儉以示子孫其末流猶入於淫靡况示之以侈乎乃云無令後世有以加豈不謬哉至於孝武卒以宮室罷敝天下未必不由鄼侯啓之也

上自櫟陽徙都長安

先雖以世敬張良之言西都關中然都邑未成則猶居櫟陽今未央宮始成自櫟陽徙都

長安

初置宗正官以序九族

班表宗正秦官掌親屬平元始元年更名宗伯

夏四月

帝行如洛陽